


Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
745/A/1







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
745/A/1





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
745/A/1




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
745/A/1



41 - 42 - 50 - 51 - 55 - 56 - 57

71 - 745(A) 104

62



*Chas. R. C. Tichborne.*



2 B

(36)

18450

3/-

By W.A.S.  
3/67







CULTRIVORI  
PRUSSIACI  
Curatio singularis .

*Descripta à*

DANIELE BECKERO, Dantiscano,  
Med. Profess. in Acad. Regiom.

*Tertiæ huic Editioni accesserunt testimonia Se-  
renis. POLONIÆ REGIS, & Reip.*

*Regiomontanæ: similesque aliquot ad  
mirandæ curationes.*

Cum Indicibus rerum memorabilium.



LUGDUNI BATAVORUM,  
Ex officina IOANNIS MAIRE.

CLC LCC XL.



CURATIO  
CULTRIVORI  
PRUSSIAEI,

Hoc est, rustici iuvenis Andreæ Grunheide, annorum 22, (nati in Prussia in pago Grunvvald, septem miliaria distante Regiomonto) à cultro in ventriculum delapso 29 Maii anno 1635, sectione liberati Regiomonti Iulii 9 eiusdem anni: cum variis raris observationibus.

*Descripta à*

D. DANIELE BECKERO, in Academia Regiomontana medicinæ Professore, & Regis Poloniae archiatro.

*Editio tertia, aucta*

Serenissimi Poloniae regis VLADISLAI IV miraculosæ huius curationis testimonio, dato Regiomonti anno 1635, Iulii 20, & Amplissimi Senatus Regiomontani, dato anno 1639, Augusti 19, ac medicorum Leidenſium super hoc scripto iudicio: similibusque aliquot Curationibus, & Indicibus rerum memorabilium.



Diploma Serenissimi Poloniae regis  
**U L A D I S L A I I V,**  
*Super veritate miraculosæ excissionis cultri  
à rustico in Prussia deglutiti.*

**V**LADISLAUS IV, Dei gratia Rex Po-  
loniæ, Magnus dux Lithuaniae,  
Russiæ, Prussiæ, Masoviae, Samogitiæ,  
Livoniæ, Smolensciæ, Severiæ, Czer-  
nichoviæque, &c. &c. &c. nec non  
Suecorum, Gottorum, Vandalorum-  
que hæreditarius Rex:

*Significamus presentibus literis nostris, quorum  
interest, universis & singulis, exhibitas nobis esse  
literas papyreas Illustrissimi principis electoris,  
Ducis in Prussia, nomine scriptas, & manibus  
magnificorum Consiliariorum, Supremorum, ac  
Regentium eiusdem Ducatus subscriptas, & se-  
gillo Ducali communitas, de data Regiomonti  
die tertia Ianuarii, anno Domini millesimo sex-  
centesimo, tricesimo quinto emanatas. Quibus  
quidem literis Illustrissimus elector honestum  
& egregium Danielelem Schvvaben, chirurgum,  
medicum, rupturarum sectorem & ophthalmi-  
stam, ob singularem & præstantem in arte sua  
liberali peritiam, in numerum servitorum suo-  
rum recipit, & ab omnibus oneribus civilibus,*



tanquam privilegiatum servitorem suum, immunem facit, aliasque libertates in iisdem literis expressas concedit. Supplicatumque nobis est nomine eiusdem Danielis Schvvaben, uti easdem literas in omnibus suis punctis & articulis approbare, ratificare, & confirmare, eumque in numerum servitorum nostrorum assumere dignaremur. Nos à plurimis consiliariis nostris commendatam habemus eius virtutem, integritatem, servitioque nostro addictum studium, ac in arte chirurgica & medica singularem peritiam, plurimis in regnis ac provinciis (uti ex attestationibus nobis exhibitis apparet) probè commendatam. Cuius grande experimentum, nobis Regiomonti præsentibus, in eximendo & excindendo ex hominis ventriculo cultro, casu quodam Regiomonti intra eius præcordia illapso, summa cum omnium admiratione, & experientiæ commendatione, exhibuit. Facile huic petitioni annuimus. Volentes igitur eundem gratiæ nostræ testificatione exornare, faciendum nobis esse duximus, ut eundem Danielelem Schvvaben, filiumque eius Vilhelmum Fredericum, optimè itidem ex institutione parentis, aliorumque magistrorum, in arte medica exercitatum, in numerum servitorum nostrorum adscriberemus & adscisceremus, prouti quidem præsentis privilegio nostro adscribimus




bimus & adsciscimus: dantes plenariam & omnimodam facultatem, tam prædicto Danieli Schvvaben patri, quam Frederico Vilhelmo filio eius, ut Regiomonti, aliisque regni & dominiorum nostrorum locis, provinciis, terris & civitatibus, semper & ubique, tam nundinarum publicarum, quam alio quovis tempore, liberè & securè cum familia & supellectile sua medica & chirurgica maneant, eant, transeant, subsistant, artemque professionis suæ pro exigentia ægrorum, citra cuiusquam molestiam & impedimentum exercent. Interdicimus insuper extraneis chirurgis & sectoribus, ne quisquam extra tempus nundinarum publicarum audeat artem illam in præiudicium & impedimentum ipsius exercere, sub pœna arbitraria. Quo nomine magistratus Regiomontanarum civitatum, aliorumque locorum requisiti, delatam iis iusticiam administrabunt, & laudabile ipsorum institutum cum emolumento subditorum nostrorum coniunctum omnibus modis iuvare ac promovere studebunt. Et quoniam illustrissimus elector superius nominato rescripto, seu privilegio suo, eundem Daniëlem Schvvaben ab omnibus oneribus civilibus & angariis liberum & immunem fecit, ideo nos rescriptum hoc electorale, quantum de iure est, auctoritate regia confirmantes, eundem, inherendo literis iisdem electoralibus, ab omnibus oneribus

(?) 3 bus



bus, tam civilibus quam militaribus, tam patrem  
quam filium, liberos & immunes facimus; utque  
circa omnes libertates, in rescripto electorali ex-  
pressas, in toto conservent, conservarique ab om-  
nibus curent iubeantque, pro gratia nostra regia  
mandamus. In cuius rei fidem presentes, manu  
nostra subscriptas, sigillo regni communiri man-  
davimus. Datum Regiomonti, die xx Iulii,  
anno Domini millesimo sexcentesimo tricesimo  
quinto. Regnorum nostrorum, Poloniæ tertio,  
Sueciæ vero quarto anno.

Vladislaus Rex.



Edidit hoc diploma Georgius Lothus Doctor me-  
dicinæ, & Professor primarius, ac senior medicæ  
facultatis in Academia Regiomontana Borus-  
siæ; Impressitque, una cum historia miraculosæ  
huius curationis Germanice descripta, Dantisci  
Georgius Rheten anno 1635.

CIVI



Æ

CO

r

ele

Re-  
um  
e  
no-  
n.  
rest-  
erat  
nti-  
reas  
co-  
inc  
di-



bus,  
qua  
circ  
press  
nibi  
ma  
nos  
dav  
ann  
qui  
Sue

Ed  
dic  
fac  
sue  
hui  
Ge

REC

CULT

Tell

Mil

Be

ci

P

testat

haru

dum

Ann

no

tert


du

Gr

du




Delineatio Rustici Cultrivori.



Delineatio Cultri à Rustico Prussiaco deglutiti, & artificiose ex eius ventriculo excissi.







REG  
CULT  
Teti  
M  
S  
ci  
P  
gu  
tatu  
haru  
dum  
Anne  
nu-p  
teris  
iure  
Gru  
dem



CIVITATIS  
REGIOMONTANÆ

De  
CULTRIVORO PRUSSIACQ

P E R C U R A T O

Testimonii (quod Leydæ adservatur  
in Theatro Anatomico)

E X E M P L A R,

*Missum Regiomonto à Cl. D. Daniele  
Beckero, ad D. Othonem Heurnium, Medi-  
cinæ Professore in Academia Lei-  
densi, & Theatri Anatomici præ-  
fectum, anno 1635.*

**P**roconsules & Consules trium civitatum Re-  
giomontanarum in Ducatu Prussia, notum  
testatum-que facimus, tenore ac vigore  
harum literarum, ad perpetuam rei admo-  
dum singularis & notabilis memoriam.  
Anno Christi millesimo sexcentesimo trigesi-  
mo-quinto, die vigesimo-nono Maii, quæ erat  
tertia feria festi pentecostes, rusticus viginti-  
duorum annorum, iuvenis, nomine Andreas  
Grunbeide, in pago Grunvald, qui in eo-  
dem hoc Ducatu septem milliaribus hinc  
di-



distat, nausante mane stomacho, ad vomitum sibi ciendum, cultrum, prehenso mucrone ex parte manubrii, in fauces demiserat, eâ profunditate & imprudentiâ, ut culter, pondere suo extremis digitis elapsus, in interiora ad stomachum descenderet: unde, hærentem rusticus, aliquàm diu inverso in caput corpore, reflectere frustra conatus, tandem largâ cerevisiæ potione in ipsum ventriculi fundum demersit. Vanit ille Regiomontum huc die xx sequentis mensis Iunii, literis ac ore bonorum virorum uni atque alteri ex clarissimis dominis Medicis commendatus. A quibus Medicis, recum aliis deliberatâ, ex totius amplissimæ Facultatis Medicæ unanimi consensu, ubi de veritate deglutiti atque in stomacho existentis cultri abunde persuasum esset, factis præparatoriis, sectio stomachi necessaria statuitur. Quæ sectio die 1x Iulii eiusdem anni MDCXXXV, versus sinistram hypochondrii partem, ad duos transversos digitos, sub nothis costis, secundum rectitudinem factâ incisione, dehinc attracto retento-que per incurvatam aciculam stomacho, feliciter absolvitur; eo successu, ut non tantùm cultrum, decem transversos



*sos pollices longum, exinde extractum, sed & hominem ipsum paullo-post sanitati restitutum, recte-que valentem, cum infinitâ hominum multitudine conspexerimus: ac vel hodie, qui volunt, cultrum quidem, apud S. R. Maiestatem Poloniae & Sueciae, nunc temporis feliciter regnantem, asservatum, hominem verò in agro etiamnum viventem & valentem, conspicere possint. Clarissimorum Medicorum, ex quorum consiliis & praescripto res gesta est, hæc sunt nomina: Georgius Lothus, medicinae Doctor, Professor, & senior Facultatis; Daniel Beckerus, medicinae Licentiatus, Professor, & tum temporis Decanus; Bartholomæus Krugerus, medicinae Licentiatus, & Professor; Rotgerus Hemsing, medicinae Doctor. Quorum aliqui, editis scriptis, historiam fusiùs, nec non medicamentorum adhibitorum rationes, explicarunt. Sæctor, erat experientissimus Lithotomus, Daniel Swab. Testes, qui sectioni adfuerunt, complures; inprimis Studiosi aliquot medicinae; Ludovicus Keplerus, philosophiæ Magister; Hieronymus Schultz, Regiomontanus Borussus; Paulus Mollerus, Vilmensis; omnes tres iam nunc medicinae Doctores. Item Ioannes Iani-  
chius,*




chius, Derschoviâ Borussus, Studiosus; Io-  
annes Gröbel, Chirurgus; Noa Bretschneyder,  
loci, ubi sectio facta est, hospes; alii-que  
fide digni viri. In quorum omnium apud  
exteros & posteros fidem, prout ea com-  
perta atque omnino hic notoria sunt, li-  
teras hæc, ad acta nostra publica relatas,  
requirentibus, sub sigillo civitatis edi de-  
crevimus publici Consilii auctoritate Re-  
giomonti, die ix mensis Augusti, anno  
Christi M D C X X X I X.

*(Sub plica hæc extat subscriptio:)*

PETRUS MEYER, patriæ Se-  
cretarius, manu propriâ.

*(Appensum est sigillum in viridi cerâ ferreæ ca-  
psulæ inclusum, continens crucem à duobus  
leonibus erectis sustentatâ, cuius figura hic est  
addita.)*





PERILLUSTRI

*Serenissimi & illustrissimi electoris Bran-  
denburgici &c. &c.*

CONSILIARIORVM  
IN DUCATU PRUSSIAE  
TRIGÆ:

*Illustribus, Pergenerosis, Magnificis & Strenuis  
DOMINIS,*

CONSILIARIIS SUPREMIS,  
Summis Provinciae Regentibus:

NEC NON

*Illustribus, Generosis, Strenuis & Nobilissimis  
DOMINIS,*

CONSILIARIIS PROVINCIA-  
libus, certorum Districtuum Dy-  
nastis & Capitaneis:

UT ET

*Generosis, Strenuis, Nobilissimis, Amplissimis &  
Consultissimis DOMINIS,*

CONSILIARIIS & ASSESSORIBUS  
Supremi iudicii Aulici:

*Dominis Patronis, Energetis & Fautoribus, devo-  
ta mente honorandis, venerandis,*

Salutem & perpetuam felicitatem!

**N**on minus scite, quam vere, dicitur, Sa-  
nitatis autorem esse Deum, Dei in-  
strumentum naturam, utriusque ministrum  
Medi-



*Medicum. Hic enim Trigonus perfectam mor-  
borum curationem absolvit, & in hoc ner-  
vus vere medelae consistit. Dantur sane morbi,  
quorum extirpatio vel omnipotenti solius D E I  
manu perficitur: nec enim, inquit Sapiens, ma-  
lagma aut herba eos restituebat, sed ver-  
bum tuum, ô Domine, quod omnia sanat.  
Dantur affectus, quos ipsa Natura, Deo ta-  
men duce, ex Corporis nostri confiniis proscri-  
bere valet: dantur & praternaturales constitu-  
tiones, quæ profligandis, cum Jēw, absque Na-  
tura, unicus sufficit Medicus. Ut plurimum ta-  
men tria hæc ita sese invicem respiciant, ut  
unum sine altero aut nolit, aut nequeat esse.  
D I V I N U M N U M E N, ut causarum se-  
cundarum cancellis haut includitur, & actio-  
nes suas liberrime exercere potens est; ita per  
media, & ministros, inferiorum gubernationem  
instituire, eidem haut displicuit, quo Omni-  
potentiam & ineffabilem suam misericordiam  
mortalium generi sic communicaret, notamque  
faceret, dignasque laudum victimas inde repor-  
taret. Pestifero veneno liberare Regem His-  
kiam, sed ab Esaia, mediante ficu, voluit. Vi-  
sum restituere Tobie, at per Angelum, fel pi-  
scis adhibentem, placuit. Hac Altissimi præ-  
sentia & benedictione nec hodiernæ curationes  
carere possunt. Sunt nonnulli, qui speciali hæc  
Dei.*



I  
Dei assistentia in morborum Therapia haut opus  
esse arbitrantur, eo, quod in prima creatione  
singulis Herbis, Mineralibus & Metallis cer-  
ta & specifica vis, huic vel illi Morbo opposi-  
ta, iam divinitus concessa sit, quam & actuan-  
te Archæo nostro exercere coguntur. At ô vana  
somnia! Nonne vel levissimi interdum affectus,  
solius Dei directione, etiam pretiosissima elidunt  
medicamina; & e contra eiusdem nutu, lethales  
& maxime periculosi, præter spem ipsius etiam  
Æsculapii, curantur? Hinc in Medica Arte  
miracula fieri non raro notamus, si cum Au-  
gust. de utilit. credend. cap. 16. id mira-  
culum dici meretur, quicquid arduum & in-  
solitum, supra spem & facultatem miran-  
tis apparet. Sane,

Ni Deus adfuerit, viresq; infuderit herbis,  
Quid, rogo, dictamnus, quid Panacea  
iuvat?

Nec sine causa Medicamenta antiquissimo illi  
Hierophilo χεῖρες τῶν θεῶν, salutare Deo-  
rum manus dicebantur, quod Deus pro suo be-  
neplacitio iis uti possit, & ad hominis perdendi  
perniciem, & ad salvandi salutem. Deus est,  
qui, ut inquit Valleriola l. 1. obs. 1, pro sua  
voluntate, quoad vult, & quandiu vult, re-  
bus à se in subsidium hominum creatis ad-  
est; tumque adhibita in salutem remedia

A

pro-



profunt, fervarique ab exitiosissimis & lethalibus morbis ægros, divina sorte contingit. Quod si subtrahat Dominus manum suam, etiam si omnem impleas artem, si operosissima manu, omni labore atque studio mederi studeas, nihil quicquam proficies. Sit Paulus, qui plantet; sit Apollo, qui riget; nonne à Deo omne expectandum incrementum? Multum debemus Medico, dextre & secundum artem operanti; multum Naturæ, ministro suo suppetias ferenti; at primæ Deo deferendæ; nam vanus & irritus erit omnis curationis labor, absque illo susceptus. Hic vero pro admiranda sua Sapientia aptissimum sibi seligere voluit instrumentum, ut per id imbecillitati nostræ subveniens, virtutem suam nobis suggerere posset. NATURA hæc est; sive per illam, Universum illud sublunare, quod hominibus ad medendum inservit, remediique indolem sapit, & Vegetabilium, Animalium & Mineralium classe continetur; sive etiam, quod maximum in Curatione obtinet momentum, Naturam & Temperamentum cuiusque individui, adversus morbos pugnans, intelligas. Ut enim medicamenti admiranda à Deo sit instillata virtus, quid tamen inde commodi expectandum, si Naturam corporis habuerimus adversam? cui hoc felicitatis à Deo concessum.



cessum, ut vel ipsa sola non raro adversus fero-  
ces sanitatis hostes insurgat. Nec male ὡς  
ἰατροὶ, seu morborum medicatrices dicebantur  
Nature Hippocr. 6. Epid. & Gal. in Comm. nam  
vitiosorum humorum proscriptionem, morbi que  
tam pertimescendi, quam iam presentis expul-  
sionem, illa ipsa sepius molitur, vel sudorem, vel  
vomitum, vel diarrhæam aut hæmorrhagiam  
instituendo, causamque & materiam morbificam  
proscribendo. Hæc, ut Hippocr. de loc. in  
hom. Artis Medicæ principium indigita-  
tur, ita, ea repugnante, omnia irrita fiunt.  
lib. de leg. Hæc sapientissima est, ut, quæ  
malum sentiens, mederi magnopere ge-  
stiat, considerans, ne temeritate magis,  
quam consilio, & ut facilitate magis, quam  
violentia medeatur. lib. de Art. Hæc est  
animalium servatrix, morborum finitrix,  
ac decretrix, quod conveniens est, servans,  
quod alienum est, separans. Gal. lib. 1. de  
natur. facult. c. 13. Cuius operatio per se  
est ineffabilis, recondita, longeque nostra  
cognitione profundior. Gal. lib. An ani-  
mal sit in utero. Et licet nunquā sit otiosa,  
3 meth. med. c. 4, nihil tamē supervacaneū  
aut temere committit. 4. de Anatom. ad-  
ministr. Nec frustra quicquam facit. lib. 1  
de usu part. c. 23. & lib. An sangv. in Ar-



ter. contin. p. m. 47. *Nomnunquam tamen præ imbecillitate finem operi imponere nequit. Medici igitur, tanquam fidelissimi sui ministri, opem implorat, Gal. lib. de Ven. sect. adv. Erasistr. ut sibi deficienti succurrat. Absonum enim est statuere, Naturam per se omni morbo sufficere, nec Medico indigere. Qui, quæso, sextum numero excedentem digitum detruncare poterit absque Medici ope? qui, illo remoto, os propria sua sede dimotum ad suam vicissim cavitatem reducere poterit? Permanerent infixæ membris tela, sagittæ, festuæ, ni Medica manus ea extraheret. Culter ille ferreus, à Rustico Bohemo deglutitus, adhuc ventriculo molestiam crearet, ni consilio & auxilio Medici & Chirurgi extractus fuisset. MEDICUS itaque Deo benedicens, & Naturæ operanti succedit, & utriusque fidelem sese præstat ministrum. Hanc recte operantem imitatur. 1. aphor. comm. 2. l. 9. de placit. Hipp. & Platon. & lib. ad Thrasibul. cuius & motum animadvertere debet, & si idoneus fuerit, ei adminiculari, si vero contrarius & noxius, prohibere, transferre atque divertere oportet. Gal. 1. aph. comm. 21. A Divino vero Numine felicem actionum suarum successum, & omnem Εὐλογία expetit & expectat, quo ad optatum sanitatis portum ægrotum suum deducat. O felicem*



5  
cem illum Medicum, qui & Deum & Naturam  
attendit, nec propriæ scientiæ aut felicitati fi-  
dens, sibi omnia adscribit! Sed & ô fortunatos  
illos ægros, qui huius Trigæ præsentiam expe-  
riuntur, & Numen propitium, Naturam faven-  
tem, Medicumque doctè & prudenter omnia per-  
agentem, persentiscunt! nonne omnia & dæmo-  
niis & ex voto succedent, & evenient? Deo duce  
& Natura Comite erubescit Quartana ad aspe-  
ctum Medici, dorsumque ei obvertit; Triga hac  
profligatur Hydrops, succumbit Epilepsia vel ab  
ipso utero infantem comitata; Podagra hæredi-  
taria, partiumque desperata imbecillitas Trigæ  
huic victas præbent manus; Mansuescunt & aliæ  
morborum beluæ hisce præsidiis. Testari id pote-  
rant omnes, qui trophæa, ob eiusmodi & similes  
debellatos sanitatis hostes, & recuperatam sani-  
tatem, Deo Omnipotenti mecum erexerunt; lo-  
quuntur id per Altissimi benedictionem spolia o-  
pima & præmia subactarum infirmitatum, &  
exantlatorum in Curatione laborum.

Sed & Prussiacus noster Cultrivorus in sce-  
nam prodeat: is ipse de Trigæ huius felicitate, &  
exoptato Curationis successu testari poterit. Præ-  
sentes vidit MEDICOS Clarissimos & Do-  
ctissimos, qui partim in consultatione, partim in  
Curatione, nil, quod commodo ipsius inservire  
potuisset, intermiserunt, sed consilio & auxilio,



ubi opus fuit, ei fideliter succurrerunt. NATURE quoque sensit benignitatem, quæ vulnere factò, non tantum ipsa ad sui curationem properavit, sed & per omne Curationis tempus, eundem in exoptato conservando statu quodvis molestum avertit symptoma. Inprimis tamen Præpotentis Dei, cœlestis & Ter maximi ARCHIATRI, salutare & exoptatum subsidium, nullis elogijs satis decantari, nullisque laudum præconijs ex asse deprædicari potest: opus enim manuum suarum haut neglexit, sed laboribus nostris benedixit, Naturæ robur confirmavit, Balsami virtutem exaltavit, & brevi temporis spatio, eundem Rusticum pristinae, imo meliori (ut ex ore ipsius postmodum percepi) restituit sanitati. Tibi ô Deus sit honos & gloria; tibi gratiarum actio. Laus tua semper erit in ore nostro.

Huius vero Cultrivori Prussiæ historiam à primo sectionis tempore fideliter à me notatam, & iam ante annum spatium nonnullis positionibus, earundemque explicationibus, ex Naturæ consultorum viretis floridioribus præceptis, & pingviore Minerva consignatis, illustratam, non potui non, incitatus inprimis Clarissimorum & Magnorum virorum monitis & votis, tandem publici iuris facere. Hæc, ut candido animo tibi, ô Lector, communicata sunt, ita eadem albo



7  
albo notare calculo, & controversa dubiaque, si  
que in enodatione positionum permansere, amice  
& medice iudicare & examinare haut graveris:  
nec diversum à me in simili expectabis studium  
& officium.

In vestro vero, Illustres, Magnifici, Per-  
generosi, maxime Strenui, Nobilissimi,  
Amplissimi & Consultissimi Viri, Domini  
Patroni, Fautores & Evergetæ honoran-  
di, venerandi, *Vestrae clementiae & Favoris*  
Fano, ad aram Benevolentiae & Gratiae hasce  
pagellas, Chartaceumque hoc munus, devota  
mente appendere volui. Vos enim Rex Regum &  
Dominus dominantium, sub auspiciis Serenissimi  
nostri Electoris, Domini nostri longe clementis-  
simi, Deos tutelares huius Ducatus esse voluit;  
Vos Iusticiae Antistites constituit: quo vobis  
Directoribus quisque sua gaudere felicitate, &  
suis libertatibus uti frui possit: quo Vobis Re-  
gentibus, & Ias administrantibus, Borussia,  
mirum quantum enervata, & suo decore spolia-  
ta, vires resumere, & pristino restitui nitori va-  
leat: quo V O B I S Inspectoribus & Patronis E-  
lectorales floreat Academia, Musarumque Pri-  
vilegia & Immunitatum ornamenta, inviolata,  
sartaque & tecta conserventur. Hocce V.V. Il-  
lustr. Magn. & Gn. nec non Nobil. & Am-  
plis. patrocinium Rusticus meus Cultrivorus



quoque exoptat, quo adversus calumniantium morsus immune esse possit. utut enim eosdem effugere, & quamvis etiam suspicionem sinistrae interpretationis avertere laborarim, perverso tamen hoc seculo non desunt, qui etiam optima quæque Theonino dente circumrodere, & vel mel ipsum in venenum convertere haut erubescunt.

Sint quoque exiguae hæ pagellæ indubitatum meæ erga V.V. Illustr. M. M. & G. G. nec non N. N. & A. A. observantiæ & gratitudinis testimonium, quo singularem Vestrum in me favorem & constantem affectum vel aliquo modo redhostire laboravi: illum enim satis mihi declarastis multis abhinc annis, quibus fere omnibus & singulis Vestrum (vix binos excipio,) Arte Medica quam profiteor, meum declaravi studium: cui & supremum Numen, quod æternum veneror, gratia sua affulsit, & ex gravissimis, nonnunquam & desperatis nonnullis affectibus, Vos, charissimæque Vobis pignora liberare dignatum est: quod ut & in posterum vobis, ut & Illustribus, Generosis, Nobiliss. & Ampliss. Vestris Familiis, faveat, & in optimo omnigenæ felicitatis statu potenter conservet, animus voveo.

Vos vero, ô Magni Patroni, Magni Fautores, exiguum hocce munusculum gratiosis exci-  
 pite



9  
pite ulnis, vestro patrocínio id defendite, & con-  
suetudo vestro Favore & Benevolentia, me, meaq;  
studia Vobis unice dicata, beate & recreate.  
Quod, ut ea, qua par est reverentia, peto, ita Vos  
omnes & singulos, Maximos Musarum Patro-  
nos, veneranda Borussia Ducalis Numina & Lu-  
mina, fidissimaque Serenissimi Electoris pectora,  
protectioni & tutule Cælestis & Omnipotentis  
Medici devotis commendo suspiriis, quo litera-  
rum bono, & publico Reip. commodo superstites  
diutissime vivatis, vigeatis, floreatis. Scriptum  
Regiomonti Boruss. ipso festo Simonis & Iudæ  
Anni 1636.

Illustrit. G. G. M. M. N. N.

& A. A. V. V.

Officiosissimus Servitor,

DANIEL BECKERUS,

Medico-Physicus & P.P.

A 5 IUD I-



INDICIUM MEDICORUM  
LEIDENSIMUM

*Super hoc scripto.*

**M**iraculosam & seculis profuturam,  
*Cultrivori Prussiæ Historiam*, Regio-  
monti typis Laurentii Segebadii in quar-  
to excusam Anno 1636, & à te celeberrime Beckere ad nos transmissam, legimus, acc r te examinavimus, & ad iudicii unguem exacte exploravimus. Ne autem reipublicæ literariæ hominumque salutis defimus, adeo eximium scriptum hic denuo typis divulgari curavimus. Fidem vero ut tam plæclaro scripto adstruamus, testamur, nos maximo oblectamento adeo rarum in corpore humano miraculum legisse: tanta circumspeditione, & cautela administratam curationem, summa voluptate percepisse: adeo doctam & polydædalam, multiplicis auctoritatis & selectarum historiarum tegmine à te exornatam enarrationem, singulari delectatione hausisse. Nec dubitamus, omnes (sed doctos, & in praxi cum iudicio exercitados) qui sincero animo rem expendent, in nostram sententiam celeri pede ituros. Etenim li-  
cet



cet hoc ævum (quod mundi amurcam, &  
 livoris volutabrum possidet) malignitatis  
 ex æmulatione & invidia sit plenum, non  
 tamen opinamur, eo impudentiæ pervenisse,  
 & ita obbrutuisse, ut casum adeo rarum,  
 curationē tam miraculosam, à te excellentissime  
 Beckere eximio iudicio nervose ad usum posteritatis elaboratam, livido  
 dente unquam arrodere ausit. Sin  
 omni pudore prostrato tentaverit, citius  
 franget quam imprimet dentem: quippe  
 veritatis ac fulgidæ doctrinæ adamantē  
 hoc opus munitum est. Solo neglectu tales  
 sunt refutandi. Nam quid iis facies qui  
 etiam in ipsa nive vident atramentum?  
 Pergendum est vir eminentissime in recta  
 via, ut ad optatum gloriosæ famæ scopum  
 perveniatur. Si æmulatione ebrius in nos  
 incurrat, sperni debet, & suo tortori invidia  
 relinqui, qui tales insequitur, appor-  
 tans affectuum cruces, & liquidum ipso-  
 rum animis infundens Palloris plumbum.  
 Fatalis est illa pravorum ingeniorum sca-  
 bies, ut aliorū labores depretiare nitantur,  
 quoniam ipsi nihil cedro dignum præstare  
 possunt; ideoque eminus allatrant famam  
 prælustrium virorum, sibi accessurum spe-  
 rantes quod aliis quo iure quave iniuria  
 detra-



detraxerint. Sed vana eorum consilia nullo modo ad eum scopum perveniunt: in liquida duntaxat luce socordiae & ignorantiae suae thesaurum exponunt: magnisque animis se odiosos & contemptibiles offerunt. Leydæ Anno 1638. Ianuarii 23.

OTHO HEURNIUS, *Medicinae Practicae, Anatomiae, & Chirurgiae Professor ordinarius in Academia Leidensi, & Praeses Collegii Publici, in quo ad morbos caute curandos Studiosi in Nosocomio instruuntur.*

IOANNES WERCKHORST, *Medicinae Doctor, & Practicus Senior in Republica Leidensi.*

DAMIANUS WEYSSENS, *Medicinae Doctor, Collegii Practici Publici Assessor, & Reipub. Leidensis Medicus ordinarius.*

*Hippocrates lib. Praeception.*

Hoc iure iurando audeo affirmare, medicum ratione utentem alterum nunquam invidiose calumniaturum; sic enim animi impotentiam proderet.

IN-



13  
INDEX SECTIONUM,

ET

POSITIONUM.

SECTIO I. pag. 19. de Deglutione  
Cultri.

POSITIO I. pag. 20. Cultri decem  
transversorum pollicum longi descen-  
sus per Os & Oesophagum ad Ventri-  
culum, admiratione quidem non ca-  
ret, at impossibilitatem nullam inclu-  
dit.

POSITIO II. pag. 27. Ut cultelli  
& alia absurda beneficio quodam  
Ventriculo ingeri & insinuari pos-  
sunt, ita eadem ingesta esse non ra-  
ro fingit Melancholicus hominis ge-  
nius.

SECTIO II. pag. 35. De Medicorum  
Consultatione.

POSITIO III. pag. 40. Culter ab-  
sorbtus beneficio caloris innati in  
Ventriculo aliquo quidem modo al-  
terari, at digeri, aut absumi haut po-  
tuisset: per sectionem itaque eum de-  
tra-



trahendum, à Collegio Medico recte  
conclusum fuit.

POSITIO IV. pag. 51. Ut culter  
ille deglutitus à Natura non absumi,  
ita nec ab eadem ullo modo eva-  
cuari potuisset, & cum diuturnior  
eius in Ventriculo mora non parum  
molestiæ & damni inferre valuisset, per  
sectionem eruendus erat.

POSITIO V. pag. 54. Balsamicam  
internorum remediorum vim Membra  
corporis nostri non raro ita imbibunt,  
ut adversus ingruentes morbos pluri-  
mum valere possint.

POSITIO VI. pag. 59. Ut vix per-  
scrutabilis est LAPIDIS HER-  
CULEI attractrix vis, qua etiam  
per medium obstaculum vim suam  
exercere potis est: ita, num idem  
pulverisatus, & aliis permixtus me-  
dicamentis, eandem trahendi fer-  
rum virtutem retineat, maxime,  
*νερόμυλον*, & investigatione dignum  
est.

SEC-



2 S E C T I O III. pag. 78. De ipsa Ven-  
triculi incisione, Cultrique Tractio-  
ne.

9 P O S I T I O VII. pag. 80. Magna  
V E N T R I C U L I est dignitas, ma-  
ior utilitas, maxima necessitas, attamen  
Vulnera eius (nî orificii superioris par-  
tem tangant) nullius, ut nec substan-  
tiæ membranosæ ratione, per se letha-  
lia, periculo tamen haut vacantia, cen-  
senda.

2 S E C T I O IV. pag. 89. De Vulneris  
consolidatione.

P O S I T I O VIII. pag. 95. Ut Vulne-  
ris Ventriculi, cultro evulso, subita  
occlusio, ita & excretio sanguinis con-  
creti per Vrinam, Naturæ providæ be-  
neficium censendum.

P O S I T I O IX. pag. 103. Vt magna  
partium Vulnera Prognostico soli non  
relinquenda, ita nec exigua vilipenden-  
da. Ex cuiusvis enim generis Vulneri-  
bus homines mori posse, docet Hip-  
pocr. l. 2. prorrhetic. confirmatque  
Experientia.

P o s i -



POSITIO X. & ULTIMA. p. III.  
ET TURUNDARUM, & DELIGATIONIS, bis in die instituta, usus, ut in hoc casu fuit, ita & in aliis est maxime necessarius.

*De*



## OBSERVATIO MEDICA

De

CVLTRIVORO  
PRUSSIA CO.

**A**RTIS *Medicæ* prolixitati & difficultati, *Viteque* nostra brevitate succurrere satagens *Veneranda Antiquitas*, eandem non tantum *Unversalibus* quibusdam ad *praxin Medicam* facientibus *Theorematibus*, certis quasi cancellis, includere, sed & rarioribus, verissimis tamen *Observationibus*, *Historiis*, & *curationum Exemplis* specialibus ita excolere, *curationumque* rationem in monumenta referre voluit, ut & *poster*i haberent, quod in similibus docte imitari, *agrotisque* suis dextre administrare possent. *Hippocrates*, & fulgentissimum illud *Medicinæ Lumen*, primus *Epidemiorum* historias nobis reliquit, hocque suo exemplo plurimorum *Ingenia*, similem laborem suscipientia, excitavit, & doctissimas tum *Veterum*, tum *Neotericorum Medicorum* *Observationes* rariores provocavit: *Invidia* enim censuerunt, ea celare, quæ *posteris* non tantum admirationem, sed & *Exemplum* suggerere possent, in-

B

primis



primis cum *Historia Medica* dum leguntur, in auribus sint consilium, in oculis quasi pictura, & non minus iis ingenia, quā methodica instruantur doctrina. Quā itaque posteris invideri poterit *Historia Curationis Cultrivori Prussiaci*? nam & illa ut raritate sua, ita & felicissimo *Curationis* successu promeruit, ut immortalī consecraretur memoria. sic enim & rivuli divinarum laudum ulterius propagari, simul & alij inde haurire poterunt, non tantum quod admirantur, sed & quod imitentur, ne in simili casu rei novitate impliciti ac perturbati in primo curationis limine subsistere cogantur. Quare eius veram & genuinam enarrationem, simul & enodationem Medicam rarioribus observationibus refertam proferre animus est, quatuor id expediendo sectionibus: quarum Prima Cultri deglutitionem: Secunda Medicorum consultationem: Tertia Ventris & Ventriculi incisionem & cultri extractionem: Quarta Vulneris consolidationem exhibebunt.

De



De

DEGLVTITIONE  
CULTRI

## SECTIO PRIMA.

**A**Nno nostræ salutis 1635. die  
29. Maij stylo novo feria 3. Pente-  
costes Rusticus Iuuenis Andreas *Grun-  
heide* nauseam quandam in Ventricu-  
lo ob Diætæ errores antehac debilita-  
to, matutino tempore sentiens, vomi-  
tumque more consueto sibi procurare  
studens, manubrio cultri sui fauces ir-  
ritavit, vomituq; non illico succeden-  
te, paululum profundius cultrum in-  
trusit, qui, partim violentia illa, par-  
tim gravitate sua ita dimissus & à fauci-  
bus comprehensus, digitorum apices  
effugit, & ad Ventriculum, aliquan-  
tulum tamen circa Orificium non sine  
angustia & dolore subsistens, sensim  
tendit. Licet vero Cultrivorus ille ad-  
modum perterritus, regressum cultri  
inverso corpore moliretur, frustra ta-  
men

B 2

men



men omnia : mutato itaque consilio Landsbergensis Cerevisiæ potu Oesophagum potius magis humectare, & cultrum ad Ventriculi cavitatem sic promovere studuit. quod & successit, culterque fundum Ventriculi petijt, sicque angustia & doloribus prædictis cessantibus, Rusticus quidem non parum contristatus ob Hospitem minus gratum, labores tamen consuetos absque molestia obire potuit. Culter, ut post excisionem vidimus, decem pollicum latitudinem adæquabat.

## POSITIO PRIMA.

*Cultri decem transversorum pollicum longi descensus per Os & Oesophagum ad Ventriculum admiratione quidem non caret, at impossibilitatem nullam includit.*

Sapientissimus Universi Creator, cuius admirandam Corporis humani, ut & aliorum animalium fabricam, tum Arist. 1. de partib. anim. c. 5. tum Galen. in libris de Usu part. pluribus extollunt & de prædicant, Regiam quandam & Commu-  
nem



DE CULTRIVORO PRUSSIACO. 21

nem omnibus animalibus spirantibus, *Aristot. 2. Histor. anim. c. 15.* & quæ collum habent, 3. *part. animal. c. 3.* ab Ore ad Ventriculum usque, tanquam ad Universale quoddam promptuarium, *Galen. 4. de Usu part. c. 1.* construxit viam, per quam tanquam per tubulum alimentum & alia ad vitæ nostræ conservationem necessaria ventriculo commodè deferri, *Aristot. 2. de part. anim. c. 3.* ibidemque præparata singulis partibus tandem communicari possint. Oesophagus dicitur, ab οἷον ἢ φαγνύειν, id est, cibum fero, ut & σόμαχος, i. Gula. Hanc creator pro singulari & admiranda sua sapientia ita affabre construxit, ut & capacitate sua apta nata esset ad excipien-  
dam materiam: Substantia vero disposita ad dimittendam deglutiendamque ean-  
dem.

Primum enim satis capax hic meatus conspicitur, quo rebus etiam maioribus deglutiendis locum dare possit; quæ tamen si naturalem Oesophagi expansionem superant, facile inferre possunt vel suffocationis periculum, vel ipsam etiam mortem.

Illud accidit mulieri Rusticæ, cujus *Forest. lib. 15. Observat. 28. Schol.* mentionem facit, quæ carnis fumo indurata frustum



22 DE CULTRIVORO PRUSSIACO.

non probe masticatum & satis magnum  
avidius devoraverat: id gulæ infarctum,  
fortiterque inhærens suffocationem pene  
intulisset: eodem modo & alteri, eodem  
teste, poma cruda immatura non mastica-  
ta, & sic deglutita, gulæ infarcta perman-  
ferunt, unde voce in totum suppressa, an-  
helituque impedito agere animam visa est.  
*Nicol. Florentinus* de seipso refert, quod  
cum famelicus existeret, pomumque im-  
maturum ori admovisset, & medietatem  
ejus una cum osse dentibus prius admotam  
indidisset, ac præ fame quasi violenter at-  
traxisset, ita ut masticata ad Meri devenis-  
set, ibique substitisset, totalis obstructio  
viæ illius oborta fuerit, ita ut nil degluti-  
re, nec loqui nec anhelare potuerit. Idem  
fere accidit amico cuidam, qui in nuptiis  
inter prandendum frustum carnis assæ de  
capreola avidius deglutiens, suffocationem  
illico incurrebat, ita ut nec sermonem nec  
respirationem edere posset, donec dorso  
vehementer percusso, & digito gulæ im-  
misso buccella ad ventriculum est protrusa,  
quo facto ipse à suffocatione totali, & nos  
affidentes à terrore liberati fuimus. *Mar-  
cellus Donatus libro tertio medicarum Historiarum  
Mirabil. c. 8.* meminit Civis cujusdam,  
qui



DE CULTRIVORO PRUSSIACO. 23

qui nervosæ carnis bolum improbe masti-  
catum ingluviose devoraverat. hic gulæ  
orificio inhærens viam deglutiendi ita oc-  
cupavit, ut aquæ & tenuissimi cujusque po-  
tus transitus omnino interciperetur, ac re-  
spiratio maxime læderetur: nec instrumen-  
tis mediisque varijs tentatis cedere voluit,  
donec septima die bolus ille corruptus in  
Ventriculum delapsus, hominem quidem  
ab angustia, at non à morte liberavit. ex  
dolore enim frequentique & vehementi  
loci tractatione, pars inflammata, acceden-  
te ex longa inedia virtutum omnium pro-  
stratione, decima quarta die vitam cum  
morte commutavit.

MORTEM quoque ipsam non raro subse-  
qui, sequentia demonstrant. Quidam o-  
vum gallinaceum integrum deglutire vo-  
lens, ab eodem in Oesophago subsistente  
ob totalem auræ vitalis interceptionem il-  
lico suffocatus est & extinctus, referente  
*VVicro l. 4. de prestig. demon. c. 2.* Mercato-  
ri cuidam jentanti frustum cutis pernæ  
assatæ ac mica panis, sale & pipere asper-  
sæ, infixum est gutturi, unde protinus do-  
lor vehemens, convulsiones, rigor, ac  
tandem suffocatio oborta sunt, ut est apud  
*Hildan. Cent. 1. Observ. 35.* Similiter & puel-

B 4

lo cui-



24 DE CULTRIVORO PRUSSIACO.

lo cuidam frustum lagani adhæsit gutturi, qui statim suffocatus perijt. Haut dissimili ratione juvenis quidam Rastenburgi, cum inter prandendum cachinni excitandi gratia frustum carnis non masticatum, insignem tamen deglutire vellet, ab eadem in Gula hærente, omnibus convivis spectantibus illa ipsa hora suffocatione perijt. Testis est Suetonius Claudium Cæsarem Drusum, Pompeium filium puberem amisisse, piro per lulum in sublime jactato & hiatoris excepto strangulatum. Nam, ut habet *Arist. s. 34. probl. 9.* quia duo illi meatus, quorum alter deglutitioni, alter respiratori dicatus est, proxime inter se positi sunt, & Oesophagus asperæ arteriæ subjacet, baccella grandiore devorata, locus spirandi proximus adducitur, instringiturque, ut via spiritui omnis denegetur, inprimis, si ea in parte compressio illa, aërisque interceptio fiat, ubi membranosa, non cartilaginosa existit Arteria.

Deinde & SUBSTANTIAM ipsius Oesophagi, ita comparatam esse videmus, ut actionem sibi designatam feliciter absolvere valeat. Nam ea partim membranosa est, partim carnosa sive inter Carnem & Nervum media, quo, ut docet *Arist. 3. de*



de part. anim. 3. & ob Nervum seu nervo-  
sam substantiã in logũ latumq; melius dif-  
tendi, 1. *histor. anim.* 16. & ob carnis molli-  
tiem melius cedere, nec asperitate cibi de-  
scendentis lædi posset, unde & perpetuo  
quodam humore eandem madentem, sic-  
que transitum siccarum rerum commodius  
concedentem conspiciamus: Nec desunt  
musculosa instrumenta, actioni Oesophagi  
succurrentia & subservientia: Tres enim  
conjugati notantur Musculi, & quartus  
sine pari Oesophagæus Orbicularis dictus,  
unde deglutitio non tantum Naturalis ob  
fibras trium generum, *Banbin. l. 2. Anat.*  
*Theatr. c. 28.* censenda actio, sed & in pri-  
mis Animalis, cum in nostra voluntate fi-  
tum sit pro libitu devorare, pharyngem-  
que beneficio musculorum movere, aut et-  
iam motum ejusdem suspendere. Quoties-  
cunque itaque gratum & dispositum Ob-  
jectum palato admoveretur, orique inseritur,  
sine molestia id ipsum deglutire possumus:  
Ab ingrato vero abhorret Natura nostra, &  
indisposito meatus transitum haut permit-  
tit. Quis ergo non obstupescit intuendo  
Cultrum à Prussiaco nostro Cultrivoro de-  
glutitum, & quidem absque noxa & læ-  
sione Oesophagi. Corpus in capulo satis



## 26 DE CULTRIVORO PRUSSIACO.

erat asperum, & latum, objectum plane ingrātum, & in altera parte acutum, quodque maximam parit admirationem, tam oblongum. Quā iter illud, quo ab Ore ad Oesophagum, sicque ad Ventriculum itur, satis obliquum feliciter emetiri potuit? Quinimo, quia circa quintam *Gal. 6. Vsu part. 5. & 6.* Thoracis Vertebram Oesophagus nonnihil se in latus dextrum inclinat, quo Trunco arteriæ magnæ descendenti cedat, (ne hæc in transitu ciborum durorum, aut alias non bene comminutorum lædatur) quā culter absque diuturniore mora, & majore molestia tam cito descendere, & anfractus hos evitare potuit, cum etiam si organa satis sint libera & disposita, ingrati tamen & inconvenientis objecti difficilis sit deglutitio. Verum enimvero violentia illa, quam Rusticus noster simul adhibuit, omnem tollit difficultatem: Cum enim Vomitus, primo stimulo fauces tantum irritante, non succederet, vi quadam cultrum profundius intrusit, qui à faucibus arreptus, ita feliciter retrahi haut potuit, extremitate manubrij ad curvitatem quandam aliquo modo renitentem insuper accedente. Ventriculi itaque hospitium hospes minus gratus sic ingressus est.

Haut



Haut absimile quid notat *Schenck. l. 3. observat. medic. 7.* de pastore quodam, qui ab obvijs prædonibus coactus est, ut gladium semipedem longum cum corneo manubrio pollicari crassitie devoraret. *Laurentius Joubertus* quoque, ut videre est apud *Hildan. Centur. 1. observ. 54. & Centur. 5. Obs. 75.* cultellum quendam obtusum ostendit, qui panno obductus ab Opilione alteri cuidam vi in os ingestus, & per Gulam dimissus est, quique toto biennio in corpore delitescens, tandem abscessu in Inguine facto excretus, ægerque sic curatus est.

## POSITIO II.

*Ut cultelli & alia absurda veneficio quodam Ventriculo ingeri & insinuari possunt, ita eadem ingesta esse non raro fingit Melancholicus hominis genius.*

**C**Alor naturalis Microcosmi innumeris procreandarum rerum Ideis longe plenissimus & refertissimus, in materiam multiformem agens, admiranda in corpore nostro non raro producit, quorum causarum ratio non in propatulo esse videtur. Omne vasorum genus, omnis cavitas, quivis etiam recessus, non lapides modo varij ge-



## 28 DE CULTRIVORO PRUSSIACO.

rij generis, sed & res metallicas, vermes  
 & animalcula alia aspectu sæpe horrida  
 producit, quod imprimis in steatomatibus,  
 atheromatibus & similibus apostematibus  
 observatum est, teste *Galen. l. 2. ad Glaucon.*  
*c. 7.* dum inquit, *Si aliquando humiditates in*  
*affectu perduraverint, multiformes habent alte-*  
*rationes. Nam & lapidibus & arenis, & testis*  
*& lignis & carbonibus & limo & sorditiei Bal-*  
*nei, feci & amurca, & multis alijs talibus simi-*  
*lia corpora in abscessibus contineri sæpenumero*  
*inveniuntur.* Non raro tamen vel ejecta,  
 vel post mortem inventa nonnulla conspi-  
 ciuntur, quæ omne naturale superant prin-  
 cipium, & non nisi Diaboli arte & malitia  
 vel in corpore producta, vel eidem insi-  
 nuata censentur. Magnam enim eidem esse  
 potentiam, quis negabit? Limitata tamen  
 ea est, & à nutu Altissimi & Omnipotentis  
 Dei dependet, cum alias propria virtute  
 nec pediculus, vilissimum animal, pro-  
 creare potis sit. Cur vero Deus tantam ei  
 concedat vim & facultatem hominibus ob  
 admitta peccata nocendi, ex Theologia sa-  
 tis superque constat. Ejusmodi historiam  
*Gemma l. 2. Cosmog. c. 4.* nobis suppeditat.  
 Puella enim quædam Lovaniensis anguil-  
 lam vivam per alvum primum dejecit, de-  
 inde



inde per Vomitum, pilos numero copio-  
 fiores & digiti longitudine, imo floccos  
 ingentes pilorum cum materia purulenta  
 instar saniei, in qua colluvie & frusta li-  
 gnorum & membranarum tenuia ramenta  
 apparebant, quin & lignorum partes adeo  
 vivæ, ut ex caudicibus obsoletis diffractis  
 inæqualiter comminutæ portiones vide-  
 rentur: subsecutus quoque ramentosus Vo-  
 mitus, cum quo Carbones veri minutissi-  
 me triti atque permisti singulis diebus  
 prodeuntes ad quantitatem librarum dua-  
 rum aut trium, sæpissime cum pilis tam co-  
 piosis, ut nuci juglandi includi non pos-  
 sent, conspiciebantur: per alvum similiter  
 lapides plurimi insignis magnitudinis, nec  
 non ligni portio pollicis magnitudine &  
 crassitie excreta, ut & Os quoddam Tri-  
 angulare solidum foris, intus vero cavum  
 ac spongiosum &c. Horum omnium ge-  
 nerationem nemo ad naturalium causarum  
 classem referre audebit: Utut enim pilorū  
 generationem in varijs corporis partibus  
 nemo inficiari poterit; sic enim Cor hirsu-  
 tum, Linguam pilosam, Naturæ Consultī  
 observarunt, & per Urinas pilos ejectos  
 esse notarunt: tanta tamen pilorum copia,  
 lignorum fragmenta, & alia æque absurda,  
 artes



30 DE CULTRIVORO PRUSSIACO.  
artes Diaboli hic plurimum valuisse, satis  
designant. Refert *Beniven. lib. de admi-  
rand. morbor. caus.* mulierem quandam spi-  
ritu maligno obsessam, dum intolerabilibus  
Ventriculi torminibus divelleretur, nec  
Medici ullam opem ferre possent, repente  
oblongos & recurvos clavos, æneasque a-  
cus una cum Cera ex capillis conglomerata  
evomuisse, & postremo ingens carneum  
jentaculi frustum, quale nec Gigantis fau-  
ces deglutirent, eructasse. Ita & *Langius*  
*l. i. epistol. med. c. 38.* agricolæ cujusdam me-  
minit, qui, cum crudelibus dolorum tor-  
mentis in altero Hypochondriorum latere  
conficeretur, clavum ferreum sub illæsa  
cute manu subito apprehendit, quo à Bal-  
neatore extracto, at dolore nihilominus  
sæviente, is sibi ipsi, ex animi Impotentia,  
violentas intulit manus, in cujus Ventricu-  
lo aperto lignum teres & oblongum, qua-  
tuor ex *Chalybe cultri*, partim acuti, partim  
instar ferræ dentati, ac duo ferramenta  
aspera reperta fuerunt, quorum singula  
spithami longitudinem excedebant. Quis  
hæc non Dæmonis astu & arte ingesta fuis-  
se affirmaret? Quis hic Veneficiam non ha-  
buisset locum diceret? Haut absimili modo  
Polonus quidam miles præterita æstate ad  
me



me veniens, narravit, se per multos annos  
 captivum à Moschis detentum fuisse, cum-  
 que ei ut & alijs captivis, gloriosissima illa  
 pace, armis victricibus Augustissimi nostrī  
 VLADISLAI Domini mei longe clemen-  
 tissimi impetrata, regressio & dimissio  
 concessa esset, sibi & alijs poculum à Mo-  
 schis præparatum & propinatum fuisse. eo  
 vero exhausto, alios atrocissimos dolores &  
 lancinationes infimi ventris usque ad inter-  
 necionem, se vero enormes Vomitus perce-  
 pisse, simulque lacertarum varia genera  
 non sine molestia ejecisse. Nonnunquam  
 tamen & violentiam quandam hostis ille  
 generis humani adhibet, & ori nonnulla  
 devoranda intrudit, quod sequens Histo-  
 ria à Rulando, *Centur. 4. curat. Empiric. 15.*  
 consignata, docet. Puella quædam octo-  
 decim annorum cum aliquando sub noctem  
 domum sola rediret, vir quidam amictus  
 veste nigra (Diabolus nim.) à tergo puel-  
 lam adortus est, cirros comprehendit, ca-  
 put retraxit, naresque obturavit: ubi sic  
 tractata puella Os exclamando aperuit: in  
 illud ille impressit quippiam: quod cum ea  
 rejicere conaretur, repressit ille per fauces  
 ad Oesophagum, ut invita deglutiverit:  
 quo facto puellam relinquit, quæ subito  
 obmu-



32 DE CULTRIVORO PRUSSIACO.

obmutescit, & domum reversa muta per octo dies māsīt, deinceps sponte loqui cœpit, & multis diebus vomitu rejecit maximo & diro cum cruciatu res perpetua memoria dignas, utpote, acus, aciculas, clavorum varia genera, antias, capillos complicatos, obolos, fibulas, ovorum putamina integra, fila, cultros, aliaque multa, quæ ab astantibus & intuentibus sunt reservata, & mihi monstrata. &c. Similia exempla & de his eorumque modis vide plura apud *Clariss. Senn. l. 6. Pract. de Morb. occult. c. 1. part. 9.* Ad horum vero classē historiam nostri Rustici referre haut poterimus. voluntaria enim hæc erat cultri in Os immisio, libera titillatio, & naturalis, utut improvisa illa deglutitio. Quid? quod præter cultrum hunc nil, nec minimum quidpiam in Ventrículo repertum fuerit.

Utrum vero Melancholica eundem divexarit Imaginatio, dispiciendum. Non raro sane accidit, quod adusti & Melancholici sanguinis, vel in Cerebro generati, vel aliunde transmissi fumi & exhalationes Menti tenebras offundant, Cerebrumque obnubilent, haut aliter, quam vespertinæ aut nocturnæ tenebræ animos hominum in ijs versantium terrentes & perturbantes,  
unde



unde ratio cæcutit, & densis nubibus circumsepta, luce sua privatur, totaque passim in suis discursibus hallucinatur & errat. Vt autem diversitas est Temperamentorum, in quibus fumi hi Melancholici dominantur, ita & variæ diversæque oboriuntur Melancholiæ species, Imaginatricem inprimis lædentes, vitiantes, & corrumpentes. Nec quicquam tam absurdum aut ineptum sanis unquam occurrere potest, quod non ejusmodi Melancholici somnient, & verissimum esse pertinaciter credant. Hinc invenies, inquit *Galen. l. 3. de loc. aff. 6. 7.* alios, qui se putant figulinum vas, & ob id contactum hominum & propinquitatem fugiunt: alios, qui se vitreos opinantur. *Aëtius* refert, quendam in id erroris prolapsum, ut se capite minutum crederet, idque passim lamentaretur, donec pileo ingentis ponderis ferreo, illius vertici superaddito, ab hac phantasia dimoveretur. *Trallianus* scribit, se mulierem vidisse, quæ se à Serpente exedi pertinaciter asseveraret, hanc autem *Pharmacis Vomitorijs*, & supposito in pelvim æneam clanculum serpente, sanitati restitutam esse. Fuerunt, qui se aves esse arbitrati sunt, ita ut se non moverint, nisi cum motis brachijs ad alarum similitudinem

C

nem



34. DE CULTRIVORO PRUSSIACO.  
nem volare crederentur. Quinimo fingunt  
nonnulli, se nonnulla in corpore maxime  
molesta fovere. Ille apud *Plater. in Obs. p. 40.*  
se ranam vivam in corpore à multis annis  
alere, imaginabatur: alij se anguillas, serpē-  
tes, & similia in corpore habere somniant.  
Similia exempla, ut sepius in Praxi notan-  
tur, ita inter alios vide *Quercetan. in Die-  
zet. polyhist. p. 154. Forest. l. 10. Obs. 12. Mar-  
cell. Donat. l. 2. mirabil. c. 1. Schenck l. 1. Ob-  
servat. 245. & seq. Plater. l. 1. Obs. Senn. lib. 2.  
Inst. par. 3. s. 2. cap. 4. & lib. 1. practic. part. 2.  
c. 8. Camerar. horar. succis. Cent. 1. c. 72.* No-  
strum verò Rusticum simili Melancholia  
obrutum fuisse, forte quis initio colligere  
potuisset, ni mox certa aliorum, ut & ip-  
sius relatio aliud edocuisset: accebat, quod  
ipsius Temperamentum haut Melancholi-  
cum conspiceretur. Licet enim post assum-  
tam Martis buccellam tristiores interdum  
exhibuerit vultum, non tamen naturali id  
ejus constitutioni, aut Melancholiæ, sed ti-  
mori potius, ob dubium extractionis & cu-  
rationis successum, adscribendum erat. Hic  
ipse satis hilarē se in conviviis & conversa-  
tionibus antea præbuerat, nec signa Melan-  
cholici Temperamēti præ se ferebat. Quare  
etiā à Medicis facile fides ei data, & de cu-  
ratione consultatio instituta. De



De

MEDICORVM  
CONSULTATIONE.

## SECTIO SECUNDA.

**M**iserrima hæc afflicti Rustici conditio multorum animos ad commiserationem commovit, Primum itaque Consul Landsbergensis, Dominus Martinus Hartlein, amicus meus honorandus, qui inviserat Rusticum, & omnia etiam minutissima ab eodem percontatus fuerat, me convenit, & Historia ipsa, ut & ægri statu expositis, consilium meum imploravit, cui hoc dedi responsi: Rem magni esse momenti, & similem casum vix unum & alterum in Observationibus Medicorum reperiri, & enarrata Historia Cultrivori Pragensis, suasi, ut Rusticus ille huc quam primum ablegaretur, quod à toto Collegio Medico, quid faciendum esset, deliberatio institui posset. In difficilioribus enim artis operibus

C 2

vult



vult Hippocrat. ne nimium nostræ fidamus scientiæ, sed & alios in consilium vocemus Medicos, ut communi consilio quid faciendum quidve omitendum sit, concludatur. Paulopost hic ipse Casus *Cl. Dno. L. Crugero Collegæ & amico dilecto*, per literas à *Generoso & Nobiliss. quodam Viro* conscriptus exponitur, & tandem Patiens ipse cum commendatitiis Regiomontum mittitur, ut Medicorum se submittat curæ. Qui sese Medicis conspiciendum & contrectandum præbuit. Hi verò consideratis considerandis, & examinatis examinandis, nullam hic subesse Phantasiæ & Imaginationis læsionem, sed cultrum revera deglutitum esse, & intra corpus delitescere, concluderunt. Dies itaque 25. Iunij indicta est Medicorum conventui, qui & in horto DNI. *D. Lothi Profess. Primar. & Sen. nec non Archiatri Electoralis*, tum temporis decumbentis, præsentē Decano, & alijs Medicis Dominis celebratus est, ita ut quisq; de proposito casu suam libere ape-



re aperuerit mentem, sententiamque dixerit. Tandem examinatis 1. VIRIBUS (quæ in magnis operationibus ante omnia attendendæ, quo æger evadere possit, ne iis prostratis frustra laboret Medicus) satis firmis adhuc & validis, 2. LOCO AFFECTO, abdomen enim aperiendum, Ventriculoque vulnus ad extrahendum cultrum infligendum erat: 3. NECESSITATE operationis, quæ hic maxime urgebat, ne vel vires deficerent, vel ægrotus ipse procrastinationem ægre ferens, ad impatientiam disponderetur; tandem, inquam, unanimi consensu conclusum est: Ut sectio ante Caniculares instituatur, præmissis tamen iis, quæ ad aliqualem præparationem necessaria videbantur: simul ut balsamicorum Oleorum usus internus præmittatur, quo sic dolores Ventriculi demulcerentur, & is ipse balsamicam imbibere posset Virtutem: Balsamum verò, HISPANIÆ dictum, omnibus aliis nominatis præferendum, & in u-



38 DE CULTRIVORO PRUSSIACO:  
sum trahendum suadebat experientif-  
simus noster Senior. Dn. D. Lothus:  
Cui & reliqui Medici assensum facile  
dedere : nec displicebat Magneticum  
imponere Emplastrum , incitati exem-  
plo curationis Pragensis.

*Cum verò certis de causis , imprimis ob mayo-  
rem Vulneris infimi Ventrìs , multis humoribus  
abundantis , efficaciam , Balsamum hoc nonnihil  
immutatum sit , utriusque descriptionem subjun-  
gere placuit. Sic autem habet Hieronym. Fa-  
brit. ab Aquapend. 2. Oper. Chirurg. part. 2.  
c. 7. p. 805. Non possum autem , inquit , si-  
lentio involvere , medicamentum quod-  
dam præstantissimum ad partium nervosa-  
rum vulnera. Cujus descriptionem ab Hi-  
spano quodam Sacerdote , fide dignissimo ,  
accepi : qui retulit , in Hispania non licere  
hoc medicamentum componere , quod ho-  
mines medicamenti viribus confisi , facile  
digladiantur , inque arenam descendant.  
Est autem hoc :*

℞. Olei vetustiss. Unc. iiij  
Terebinth. puræ Vnc. viij  
Frumenti integr. Vnc. jß.  
Hyperic. Vnc. ij

Rad.



*Rad. Carduiben. Valerian. an. Vnc. j.**Thuris pulveris. Vnc. ij.*

Radices & herbæ, crasso modo contundantur, in olla ponantur, & tantum Vini albi super fundatur, ut omnia in Vino mergantur, & per biduum facta infusione, oleum & frumentum adjiciantur, & coquantur omnia ad Vini consumptionem. Mox facta forti expressione, addatur Terebinth. & thus, & iterum parum sinantur ebullire, ferventurque in vase vitreo. Sanat vulnera, ut ajunt, spatio viginti quatuor horarum. Modus utendi talis est. Abluto prius vulnere vino albo frigido, statim inungitur totum vulnus oleo prædicto calente: quod si hoc commodè fieri nequeat, per siphonem intra vulnus, tanquam per clysterem immittitur; & confestim labia vulneris ad mutuum contactum adducuntur deligatura, aut sutura, aut glutino, deinde partes circumstantes prædicto oleo similiter inunguntur. Supra verò vulneris labia jam reducta, linteum imponitur, prædicto oleo madens, & supra hoc aliud, Vino nigro expressum, mox alia lintea sicca: deinde fascia superligatur.

Nostrum, quod usurpatum fuit, sequens erat.

C 4

℞. Ol.



℞. Ol. olivar. recent. Vnc. iij.

Therebinth. Vnc. jß.

summit. Valerian.

Hyperic.

Carduib. an. p jß.

Thuris Vnc. j.

Myrrh. el. aloes opt. an. Dr. iij.

Cocc. infect. Dr. j.

Res. pin. rec. Dr. ij.

Vini malvatic. Vnc. iiij.

Misce, stent in digestionem quatuor horas, tum leniter ebulliant, donec Vinum fere absumentum sit, tum colentur, & exprimantur.

### POSITIO III.

*Culter absorbtus beneficio caloris innati in Ventriculo aliquo quidem modo alterari, at digeri, aut absumi hanc potuisset: per sectionem itaque cum extrahendum à Collegio Medico recte conclusum fuit.*

**N**onnullorum animalium, quibus crassior cibus pro alimento est, non tantum carnosus ad digerenda etiam duriora, conspicitur Ventriculus; sed & membranosa dantur Ventriculi Substantia, in quibus



DE CULTRIVORO PRUSSIACO. 41  
bus calor ita exaltatus, facultasque ipsorum  
ita disposita, ut durissima quæque, non  
tantum ex Penu Animalium & Vegetabi-  
lium, sed & mineralium petita & degluti-  
ta, dextrè conficere valeant. De struthio-  
ne notum est, quod, secundum nonnullo-  
rum autorum assertionem, ferrum & de-  
glutiat & conficiat. Testatur id *Langius*  
*L. 1. epist. medic. 12.* se sc. vidisse struthiones  
ex ferro conflata numismata in horto Du-  
cis Ferrariæ deglutivisse & concoxisse.  
Idem se apud Antuerpienses vidisse, & ob-  
servasse scribit *Amat. Lusit. Cent. 2. c. 69.*  
Contrariam quidem *Aldrovand. l. 9. Orni-  
tholog. 6. 2.* cum nonnullis fovet sententiam,  
existimatque ferrum, aut ex eo conflata  
numismata, à struthione quidem deglutiri,  
at non absumi aut confici. Verum, qua ra-  
tione gallinarum membra, auro liquescenti  
mixta, id ipsum consumunt? referente *Pli-  
nio l. 26. natural. histor. c. 4.* & ex hoc *Mi-  
zald. Centur. 4. memorabil. 99. Scaliger exerc.*  
*88.* Qua ratione auri folia cum alimento  
gallinarum mixta, iisque pro cibo exhibita,  
non solum eas saginant, sed ruffum etiam  
& quasi aureum colorem conciliant? ut  
tradit *Hieronym. Reusner tract. de Scorbnt.*  
*exerc. 7. p. 504.* nec non *Carol. Rosenberberg.*

A 5

animad.



42 DE CULTRIVORO PRUSSIACO.

*animadvers. & Exercitat. Medic. 31. Clarissimus Eichstad. tractat. de Confect. al kerm. testatur, se ante paucos annos Gallinæ Calcuticæ duos foliorum auri libellos cum ordinario pabulo absorbendos dedisse, eamque postea mactasse, & reperisse in ea carnem naturali colore imbutam, pulchram & puram, at nec in cavitate Thoracis, neque in Intestinis reliquias foliorum Auri, multo minus incrustationem ab iis. Schnitzerus epist. 50. cistæ Medicæ profitetur, gallinam quandam multos devorasse nummos, postmodumque in mactato Ventriculo inventos esse aliquot ad medietatem consumptos, inprimis argentum digitalis argentati filiolarum, ut præter æs nil restaret. Sequens historia idem confirmare videtur: In horto civis cujusdam Regiomontani primarij nonnulli Convivæ conis ludebant, nummosque æneos & argenteos in terram deponebant, ibi gallus quidam Indicus forte obambulans, aliquot nummos furto aufert & deglutit: Convivæ ejus præsentiam nihil curantes, mirantur defectum nummorum depositorum: Gallum mox revertentem, & similia patrantem, in recenti crimineprehendunt, sicque alios nummos devorandos studio ipsi objiciunt, & post aliquot*



DE CULTRIVORO PRUSSIACO. 43

quot horas supplicium de eodem fumen-  
dum, sententiam ferunt, & Veru infigen-  
dum Igneque torrendum concludunt, prius  
tamen Ventriculum inquirunt, inque eo  
nummos inveniunt alios semiresolutos, ali-  
os vero in totum fere absumptos, idque non  
sine admiratione. De muribus, quod se-  
cundum Theophrastum ferrum rodant, au-  
rique scobem appetant, & procul dubio di-  
gerant, apud *Plin. l. 8. natural. histor. c. 57.* le-  
gimus. Ventriculo vero humano similem  
competere conficiendorum mineralium  
virtutem & facultatem, & quidem natu-  
raliter & ordinariè, non facile quis dixe-  
rit. Nobiliori enim Creaturæ, nobilius  
quoque & facilius Natura assignavit ali-  
mentum, ne duritie eiusdem & concoquen-  
di difficultate præpedita, in negotiis gra-  
vioribus, & actionibus subtilioribus expe-  
diendis retardaretur. Et qua ratione Mi-  
nerale aliquod deglutitum, & non probe in  
ore masticatum, à Ventriculo confici pote-  
rit, cum nec Vegetabilium, nec Animalium  
partes nonnullæ crassiores & duriores, O-  
ris præparationem subterfugientes, in, & ab  
eodem facile digerantur? Hinc officula,  
tendines, ligamenta, & alia cruda, per al-  
vum vicissim immutata rejecta, observata  
fuerunt.



44 DE CULTRIVORO PRUSSIACO.  
fuerunt. Quidam per imprudentiam fructum Corij devorans, post semestre spatium inconfectum idipsum per alvum egressit, ut habet *Hildan. c. 1. obser. 31.* Novi quendam Virum primarium, qui deglutita portiuncula cruda de pomo citro, paulo post Tertianam incurrit intermittentem, quæ prius sedari haut potuit, quam portio illa per Vomitus iterum ejecta fuerit, quæ tamen nil alterata visebatur. Casei portiunculam per biennium in Matronæ cujusdam Ventriculo hæsisse, postmodumque Vomitu ejectam esse, notatum est. Nec urgere hic videtur necessitas, ut ad occultam aliquam Ventriculi qualitatem confugiamus, cum Naturæ intentio inprimis attendenda, eiusque scopus perpendendus, hæc enim ad spirituum subtiliorum generationem aëreum potius homini voluit destinare alimentum. Sed quid multis? Nonne vel quotidie videmus Mineralia, ita ut assumpta fuerunt, cruda vicissim & inconfecta ejici? *Gal. l. 1. de Natural. facult.* refert, quendam annulum aureum Ore detentum imprudenter deglutivisse, & postea immutatum excrevisse. Simile quid de puella octennali prodidit *Cornarius premedit. observat. med. c. 27.* Alius tres taleros cum Cerevisia



DE CULTRIVORO PRUSSIACO. 45

revisia unico haustu per gulam dimisit,  
quos tertio die immutatos per alvum vi-  
cissim emisit referente Foresto. Nonnemo  
clavos ferreos ob modicam stipem devo-  
ravit, & crudos rursus eosdem ejecit, teste  
*Cardano l.8. de rer. variet. c.40. Schenck. l.3. observ. medic.2.* scribit, quendam filices du-  
ros ingestos, eosdem vicissim excrevisse.  
Quædam, notante *Benivenio c.20. de abdit.*  
acum æneam devoraverat, quæ decimo  
demum anno per terebratum Ventriculum  
è parvo demissa foramine prodiit, vulnus-  
que consolidatum & curatum. Ancillam  
quandam aciculam deglutivisse, eandem-  
que decimo quarto die immutatam eges-  
sisse habet *Hildan. Centur.1. observ.34.* Acu-  
men cultri quendam absorpsisse, & immu-  
tatum per posteriora reddidisse scribit Fo-  
rest. qui & de fratre suo adhuc puero re-  
fert, quod plumbum rotundum, sed de-  
pressum, inter ludendum deglutiverit, &  
die tertia absque molestia cum fecibus per  
alvum reddiderit. Hæc & similia, quæ  
passim apud autores, & sæpius in Praxi  
occurrunt, satis evincunt mineralia deglu-  
tita à Ventriculo humano haut confici pos-  
se. Nec est, quod quis hinc colligat inter-  
num Mineralium usum supervacaneum es-  
se, &



46 DE CULTRIVORO PRUSSIACO.

se, & frustra a Medicis commendari; imo  
aurum, argentum, uniones, & similia ægrè  
habentibus sine successu propinari, cum ea  
plus hominis crumenam, quam vel corpus  
ejusdem corroborare valeant, cui senten-  
tiæ inter alios subscribunt *Quercetan.* in  
*Tetrad. c. 25. & 31.* & in *Pest. Alexic. l. 2. c. 7.*  
ut & Augustani Medici, qui in Pharmaco-  
pæa sua ad Auream Alexandrin. statuunt,  
quod Auri & Argenti in Medicinas addi-  
tio opinioni magis, quam intentioni satis-  
faciat, & ad pascendos oculos ex Arabum  
luxu, ad conciliandam Pharmaco authorita-  
tem, introducta sit, cum tantum absit, ut  
calor noster natus Virtutem ex iis sua ex-  
halatione vel vi quamvis intensa prolicere  
possit, ut ea ipsa integra, ac nullam penitus  
ab assumptione mutationem passa, excerni  
observemus. Verum enim verò licet aurum,  
quod medicamenti rationem habet, ut &  
alia mineralia, ab Archæo Ventriculi nostri  
exactè elaborari & dissolvi, inque chylum  
converti nequeant: sufficit tamen, quod il-  
lud Solari sua influentia, occultæque Vir-  
tutis radiis in ipsum Cor, Microcosmi so-  
lem, sympathetica quadam Virtute agat,  
facultatemque suam Visceri huic conferat:  
Imo, quis negaret spiritum quendam ex:  
foliis



DE CULTRIVORO PRUSSIACO. 47

foliis auri, instar evaporationis alicujus, spiritibus nostris, eidem analogis, communicari posse, cum & aliis mineralibus eiusmodi effluvium spirituale, corpori nostro sese insinuans, denegare haut possumus? Iaspidem externè admotam, & manibus contentam, ad miraculum usque sanguinis fluxum compescere, non tantum *Boëtius de Boot tr. de gemmis. cap. propr. scriptum*, & aliquot observationibus comprobatum reliquit, sed & ego ipse similem lapidis huius efficaciam in nimia Hæmorrhogia sæpissime expertus sum. Senex quidam septuagenarius, cum cruentam per aliquot dies emitteret Urinam, idoneis interne propinatis medicamentis, restituitur, & paulo post ob motum vehementiorem, & maiorem Venæ rupturam, periculosius quoque profluvium sanguinis, maxima cum virium prostratione sensit: Internis & externis mediis & remediis nil proficientibus, usum prædicti lapidis suasi: comparatas igitur ex illis armillas manibus adhibuit, & vix hora elapsa (mirum dictu!) sanguinis fluxus non sine admiratione cessavit, & hic viribus recollectis sensim convaleuit. Eadem armillæ in nimio mensium profluvio, ut & Hæmorrhogia narium, plurimis



48 DE CULTRIVORO PRUSSIACO.  
rimis profuere. Sed & postmodum aliquot  
alia exempla virtutem Iaspidum efficacem  
demonstrarunt. Nonne CrySTALLUM appen-  
sum in Vertigine plurimum valere ex *Pla-  
ter. l. 1. pract. de funct. l. p. 246.* constat? Sap-  
phirum oculis admotum adversus variolas  
& morbillos eosdem defendere docet *Plat.  
lib. de dolor. pag. 853. Scholtz. in epist. 160.*  
nec mulierculis hoc ipsum ignotum est.  
Quid de succino dicam? cuius attractrix  
facultas vel aliquali calore excitari potest.  
Cum ante biennium Variolæ essent hic E-  
pidemiales, virgunculæ cuidam in princi-  
pio morbi, ante earundem eruptionem bra-  
chialia ex succino parata, Carpo circumpo-  
sita fuere, cumque à sinistra manu sæpius  
deciderent, dextræ vero semper admota  
manerent, variolarum immensa copia ibi-  
dem loci prorupere, ita ut non sine mole-  
stia ardorem illarum ferre coacta fuerit.  
Hac de causa etiam ad revellendum à ca-  
pite dolorem, plantis pedum supponitur.  
Quod verò ab oculis Catharrales defluxio-  
nes avertat, si Nuchæ imponatur & geste-  
tur, lippis, quod dicitur, & tonsoribus no-  
tum est. Quod si hæc, & alia infinita (ut  
nil jam de Lapidis Nephritici virtute di-  
cam) externè tantum appensa vel admota,  
virtu-



virtutem insignem corpori conferunt, spiritali suo effluvio morbificæ resistunt constitutioni, quidni aurum, & alia internè sumpta, efficere poterunt? Nonne, si tremor partium ab Hydrargyri usu exortus est, & vel ori nummus aureus imponatur, ille ipse vel ex Centro corporis evocatur? Aurifabri cujusdam minister, cum ab usu continuo Hydrargyri, visum debiliorem percepisset, me suatore, per aliquot dies ducatum aureum ore gestavit, unde quotidie albedinem contraxit, visusque restitutus est. Virtualis itaque medicamenti potentia membris appropriatis, eo ipso etiam in corpore non digesto, communicari potest, dummodo calor noster aliquo modo in id ipsum agat, quem tamen interdum satis efficacem in nonnullis subjectis deprehendimus. Refert *Amatus Lusitanus Centur. 2.*

*Curat. 69.* quendam numisma æneum devorasse, & nulla percepta noxa, nisi quod gracilitas quædam corporis suborta fuerit, anno elapso cum excrementis egressisse, at exiguum, & ita à calore naturali absumtum, ut omnes in admirationem traxerit, idemque addit se vidisse apud Ferrarienses Heluonem, qui coria, testas, & fracta vitrea vasa comederit, concoxerit, & digesserit, ut

D

eum



50 DE CULTRIVORO PRUSSIACO.

eum omnes struthiocamelum appellarint,  
de quo & apud *Columb. l. 15. Anatom. p. 486.*  
Ita aliquomodo immutata, at non absumta  
conspiciebatur illa moneta argentea *ein hal-*  
*ber Ort von ein Spanisch Real*, quam Virgun-  
cula novennalis, Civis cuiusdam Inster-  
burgensis filia deglutiverat: postquam e-  
nim septima die iterum per secessum ean-  
dem eiecisset, nigro plane colore, non nisi  
à calore interno ipsi conciliato, infecta con-  
spiciebatur. Haut dissimile quid & circa  
Rusticum nostrum notavimus: Cum enim  
per undecim dies Culter ferreus in Ventri-  
culo delituisse, paululum circa cuspidem  
mutatus conspiciebatur, acsi aliqualem Ig-  
nis vehementiam sustinuisse. Quis vero  
crederet successive, & mora temporis me-  
tallicum hoc corpus potuisse absumi? Cum  
imprimis debilior esset Ventriculi consti-  
tutio, calor ipsius languidus, & prædictæ  
rationes aliud suaderent. Necessario ita-  
que de excisione eiusdem cogitandum  
erat: quæ enim præter naturam in corpore  
nostro detinentur, removenda esse dicitur  
Galenus, suadet ratio.

Posi-



## POSITIO IV.

*Ut culter ille deglutitus à Natura non absumi,  
ita nec ab eadem ullo modo evacuari potuis-  
set, & cum diuturnior eius in Ventriculo  
mora non parum molestia & damni inferre  
valuisset, per sectionem eruendus erat.*

**I**Neptam quis forte æstimaret illam ex-  
cisionem, si vel nil molestiarum & dam-  
ni eius præsentia dedisset, vel etiam Natura  
ipsa eundem tandem expulisset. Observa-  
tum enim est, etiam in nobilioribus parti-  
bus nonnulla absque periculo delituisse per  
multa tempora. *Thomas Rodericus Aveiga*  
*l. 5. locor. aff. c. 1. comm. refert, Cervam re-*  
*pertam fuisse Cordi infixam gerentem an-*  
*tiquam ex Venatione sagittam. Ex Ale-*  
*xandro Bened. l. 4. Anat. c. 24. sequentia de-*  
*promuntur. Quidam Græcus Sciurus, inquit,*  
*nomine, mihi notissimus, Chalcidis in expugna-*  
*tione circa tempora sagitta vulneratus, ductus*  
*inter captivos à Turcis, persanato quoquo modo*  
*vulnere, annis Viginti vitam duxit servilem;*  
*tandem liber Cydonem venit, & post quintum*  
*annum, dum aqua per æstatem frigida os col-*  
*lueret, concitatis supra modum sternutamentis,*  
*magno pruritu, inter maximos conatus prosiliit*  
è nari-



52 DE CULTRIVORO PRUSSIACO.

è naribus sagitta frustum, digiti medij longitudine, ferrea acie, nec aliquam Vulneris notam reliquit. Quî globulus sclopetarius intra Cranium & duram menyn gem, per sex menses citra ullam noxam impactus fuerit, posteritati scriptum reliquit *Hildan. Observ. Chirurg. 2. l. 2.* Admirandum exemplum quoque, imo miraculum quoddam Naturæ notavit *Zacut. Lusitan. l. 1. de prax. medic. admirab. Obs. 5.* inquiens: *Meretrix cum in caupona nimium Baccho indulgeret, ebria & rixabunda obvios quosque objurgabat. Ecce ab alio ebrio, longo satis, at acutissimo cultello, illi super verticem capitis profundum inflictum est vulnus. Semimortua pluribus diebus sine sensu & motu remansit, deinde magno labore curata, evasit. In huius post octo annos ex febris maligna emortue, & in Xenodochio per Anatomen dissecta capite, intra duram matrem & Cranium, dimidium cultelli, quo antea fuerat vulnerata, ferrugine obsitum, inventum est. Hac dum post vulnus vixit, munera domestica exercebat, & nullum unquam facultatum rectricum, aut animalium lesionem sentiebat.*

Deinde & Natura ipsa, quæ admiranda sui curatrix est, non raro ea, quæ ipsi præter naturam communicata sunt, tandem expellit; hac ratione cultellus ille, cujus,  
posit. 1.



*posit.* 1. ex Hildan. facta est mentio, deglutitus, & toto biennio in corpore delitescens, tandem per abscessum à Natura factum, excretus est. Cuspidem sagittæ juxta inguina inflictam, sexto anno educatam esse scribit *Hippocr.* 5. *Epidem. Sect.* 7. *Hist.* 7. Similia videantur apud *Hildan. Cent.* 2. *observ.* 74. & c. 1. *obs.* 62. nec non *Cl. Senn.* l. 5. *practic. part.* 4. c. 5. *Schenk.* & alios.

Verumenimverò neutrum apud Rusticum nostrum locum mereri potuisset: Nam primo, rariora illa Exempla nullam inferre possunt regulam, cum contraria plurima dentur, ubi vel festucæ portio corpori infixæ irreparabile damnum intulerit. Quod si vero ferrum in Ventriculo ferruginem contraxisset, nonne dira exinde subsecuta fuissent symptomata? In Ventriculo enim varij sæpissime delitescunt humores, vel falsi, vel acidi, acresve, qui corpus minerale inficere & inquinare, ferrumque ad ferruginem disponere potuissent. Utrum verò successu temporis per abscessum, vel alia ratione à Natura expelli potuerit, non sine causa in dubium vocatur: inprimis si longitudinem, & ponderositatem ipsius cultri inspiciamus, deinde & locum ipsum membranofum examinemus. Taceo, quod



54 DE CULTRIVORO PRUSSIACO.  
eximiam temporis intervallum, Natura  
ad tantum opus perficiendum exegisset, ut  
alia testantur exempla, quæ tamen mora  
ægroto nostro maxime molesta fuisset, &  
facile ad Melancholiam disponere potuisset.

P O S I T I O V.

*Balsamicam internorum remediorum vim Mem-  
bra corporis nostri non raro ita imbibunt,  
ut adversus ingruentes morbos plurimum va-  
lere possint.*

— **A** Limentorum assidue usurpatorum eam  
esse Vim, ut Temperamentum corpo-  
ris mutare, & suum quodammodo induce-  
re valeant, vult *Bickerus in Hermet. rediv. p.*  
*215.* Meminitque Cardanus, eodem refe-  
rente, se Infantes animalium lacte, præser-  
tim caprarum, nutritos vidisse, in quibus  
nihil quoad habitum corporis fuit deside-  
ratum, at eosdem Ingenij vigorem amisisse,  
& dum adoleverint, quasi stupidos &  
stolidos evasisse. Verum & medicamen-  
ta ipsa, sæpe sæpiusque assumpta, corpori  
ejusque partibus facultatem suam commu-  
nicare, & eadem quasi imprægnare, liqui-  
do constat. Natura enim ex corporea me-  
dicamenti massa, succum & spiritum con-  
venien-



venientem elicit, quo imbuta adventanti morbo occurrere, & resistere studet: ille vero licet primitus naturæ nostræ non admodum arrideat, quippe, quod non alimenti, quo magis delectatur, sed medicamento indolem sapiat, sensim tamen & successive eundem continua usurpatione ita familiarem sibi reddit, ut iam Natura quasi immutata conspiciatur. Suo id exemplo testari poterit Puella illa, ab Indorum Rege Napelli Veneno à primis annis nutrita. De Mithridate Ponti Rege tradunt Historici, quod quotidiano Mithridatij usu suum adversus venena corpus ita firmaverit, Temperamentumque suum ita immutarit, ut venena nil illi nocere potuerint, etiam tum, cum maxime cuperet: postquam enim exitioso atque Violento veneno (quo filia eius enectæ sunt) iterum atque iterum epoto, potius interire, quam vivus in Romanorum potestatem venire decrevisset, nullum invenit Venenum tam potens, quod ipsam internecioni tradere potuerit. Si Helleborus à capra devoretur, inquit *Smetius in Miscellan. p. 137.* & in Ventriculo primum, deinde in Iecore, demum in uberibus concoquatur & transformetur, inque speciem aliam subinde transplantetur, nihi-



lominus permanebit in lacte ex hac planta  
vis generata purgatrix. Memorabile quo-  
que est illud, quod *Crato in Epist. medic.*  
*Scholtz. 16.* annotavit; quemdam continuo  
RHABARBARI usu, non tantum ab Hy-  
drope liberatum, sed & reliqua membra  
robustiora facta, & Balsamo quodam na-  
turali ex Rhabarbaro educto, corroborata,  
coloremque totius corporis optimum, ut &  
functiones omnes corporis rediisse, eum-  
que vixisse sanum & incolumen citra ullam  
infirmi-  
tatem, usque ad primum senium. Et  
cum postmodum Cerebro ipsius lethale  
vulnus esset inflic-  
tum, præter Medicorum  
& Chirurgorum spem, felicissimam exper-  
tus est curationem. De ALOE sæpius, de-  
bito tamen modo usurpata, spondet *Mün-*  
*derer. in Aloedar marocost. c. 13.* eam vel per  
se solam pro tuenda sanitate sufficere, ac  
plurimorum hominum vires, robur, inco-  
lunitatemque unicè jam olim tutatam esse,  
quorum ætatem ad longos dies, & anno-  
rum liberio-  
rem liberalioremq; progeniem  
produ-  
xerit: arcere enim dicit omnes cu-  
juscunque generis putredines, tam in Vi-  
vis, quam in mortuis, humores ab omni  
corruptela vindicare, nihilque in homine  
vel vivere vel degere eandem permittere,  
nisi



nisi quod ad eius salutem & Vitam spectet. Catharros insuper, & defluxiones ad articulos ruituras, subtrahere, ita ut, teste Mormanno Medico clarif. ij, qui sibi continuum Aloes usum familiarem fecerint, ab omni Podagra & Catharro securi esse possint. *Est enim in Aloe balsamicum quiddam, balsamo nostro naturali admodum confine, cunctos humores succosque, siquidem naturales adhuc fuerint, conservans, praternaturales evacuans, medios emendans, universos putrefieri ac corrumpi prohibens.* Hacque de causa pillularum aloeticarum frequentiore usu, Iohannem Hermannum Witteberg. Medicum, ad octuagesimum annum vitam feliciter produxisse, scribit Döring. l. de Mithridat. p. 149. Nec est, quod quis metuat, Naturam assuefactam vim assumptorum contemnere, quoniam, ut inquit *Avicenn. 4. f. 1. c. 1.* ab assuetis non fiat passio, unde & in morbis mutanda esse remedia, cum Hippocr. censent *Averrh. l. 7. c. 2. Avicenn. l. 22. f. 3. tr. 2. c. 7. Paul. l. 3. c. 78.* continuamque unius medicamenti usurpationem dissuadent. Verum haut inconcinnè quis inter præservatoria & Curatoria remedia, distinguere posset: illaque haut esse immutanda, cum Natura ex remedio sibi familiari ita formata



mata firmataque sit, ut insultus morbificos leviores facilius abigere, ingruentes vero & corpus molestantes felicius eliminare possit, ut exempla allegata comprobare videntur. In curatione aliter sese res habet, ibi enim, inprimis si voto successus non respondet, medicamenta variari possunt, si vero auxilium à Pharmaco perentitur, quis sane mentis ipsius attentaret mutationem? Hinc illud *Hippocr. l. 2. aph. 52.* notandum: *Si quis omnia convenienter exactoque iudicio faciat, nec quicquam ea ratione efficiat, tamen ad aliud non est progrediendum, modo id maneat, quod ineuntibus remedijs visum est.* Ut enim non temere in usu remediorum perseverandum, ita nec temere illicoque ab eorum usu abeundum. Et in longis morbis, docente *Celsō l. 1. c. 3.* quos tempus, ut facit, ita & tollit, non statim condemnandum, si quid non statim profuit; minus vero removendum, si quid paululum saltem juvat, quia profectus tempore expletur. Si quid tamen non sat cito respondet, licet aliud consimile experiri, juxta illud *Galij 8. pract. c. ult.* Cum diutius uno curaverit medicamine, nec prodest ad contrarium transire, quoniam hujus forte materia, non convenit hujusmodi naturæ &c. Ut vero  
in aliis



DE CULTRIVORO PRUSSIACO. 59  
in aliis omnibus, ita & hic consuetudini &  
Naturæ aliquid dandum, ne nausea exci-  
tata, malum exasperetur. Sicque tandem  
obsigno, non abs re Potionem Balsamicam  
(erat a. sequen. ℞. ol. olivar. comm. lib. β. Hy-  
peric. com. Vnc. ij. Misc.) ante sectionem  
fuisse præmissam, sed ut sic Natura virtu-  
tem quandam & vim symptomatibus per-  
timescendis & ingruentibus resistendi, &  
vulnus ipsum conglutinandi imbiberet.  
Nec successus spem fefellit: æger enim non  
tantum ab omni Symptomatum insultu to-  
to curationis tempore immunis permansit,  
sed & exiguum Curationis terminum, Na-  
tura ad consolidationem properante, ab-  
solvit, & quidem FELICITER.

#### POSITIO VI.

*Ut vix perscrutabilis est LAPIDIS HER-  
CULEI attractrix vis, qua etiam per me-  
dium obstaculum vim suam exercere potis  
est: ita, num idem pulverisatus, & alijs per-  
mixtus medicamentis, eandem trahendi fer-  
rum virtutem retineat, maxime χρυσόμερον, &  
investigatione dignum est.*

Est in Magnete abstrusa & recondita  
quædam potentia, quæ multorum in-  
genia



genia non tantum in admirationem traxit, verum & ad investigandum eandem excitavit. Utrum verò omnium voto & sciendi desiderio satisfactum sit, non sine causa dubitatur. Ut enim Natura in sinu suo plurima habet recondita, quæ nos admirari sæpius vult, quàm intelligere, ita & in Magnete quid à Natura concessum delitescit, quod humana mens vix consequi possit, dicente *Boëtio de Boot tract. de gemm. cap. de Magnet.* Relicta verò divina illa, qua Polum respicit, facultate, ATTRACTRICEM tantum, qua ferrum expetit, dispicere liber. Fere omnes in eo conveniunt: Magnetem ferrum trahere, at non in eo, qua ratione id fiat, & utrum in pulveres redactus adhuc quid virtutis attractricis retineat? Somniarunt quidam, corpora quædam curva, hamorum instar & uncinorum è Magnete emissa, ad se ferrum pertrahere: alij atomos finxerunt ex eodem profilientes, ferrique poris sese insinuantes, & id ipsum propellentes: nonnullis Magnetis ficcior natura ferrum humidius traxit. *Gal. l. 3. de natural. facult. c. 7.* censuit, Magnetem vivifica quadam virtute, & ingenita proprietate ferrum, tanquam pabulum sibi conveniens, allicere. Sunt, qui similitudini substantiæ,



DE CULTRIVORO PRUSSIACO. 81  
stantiæ, & Identitati principiorum, causam  
tractionis assignant : alij eo modo à Ma-  
gnete ferrum trahi dicunt, quo materia à  
Forma, quippe cum imperfectiora, sui per-  
fectionem appetant : placet quibusdam oc-  
cultæ Sympathia, quæ in Naturalibus non  
postremum meretur locum. Recentiores  
quidam existimant, ferrum ad Magnetem  
non trahi, sed moveri, tanquam ad matri-  
cem suam, cuius abditis principiis perficia-  
tur, quemadmodum ad Centrum terra.  
Paracelsistæ, ferreum quendam in Magne-  
te residere spiritum putant, quem & in  
alieno corpore fortius trahere, quam in  
proprio fingunt; Nulla harum opinionum  
mentem satiare, animoque discendi cupido  
satisfacere potest, pluribus tamen eadem  
pro tempore examinare, haut operæpre-  
tium erit. Doctissimus *Cabeus* eximio de  
Magnete tractatu, Causam attractricis in  
Magnete Virtutis, dicit esse Qualitatem  
duarum facierum, qua ferrum ita à Ma-  
gnete disponitur, ut id ipsum ad se provo-  
care possit. Verum, nonne occultum per  
æquæ occultum explicatur? Quid enim est  
Qualitas illa? Quodnam agnoscit funda-  
mentum? Manifesta ne est, an occulta? An  
verò dispositio quædam? Verissimum sane  
est



62 DE CULTRIVORO PRUSSIACO.

est illud *Scaligeri. exerc. 131.* Nos in luce rerum tenui caligare, in mediocri cecutire, in majore cecos esse, in maxima insanire. Quid? si spiritum quendam Sulphureum, occulta hac proprietate præditum, statuamus, qui tamen maximam cum spiritu ferri cognitionem habeat? Spiritum quendam mineralem nemo Magneti inesse negabit, qui modo mineralium metallorumque naturam internam perspectam habuerit: Imo, qui summam illam tracticis virtutis subtilitatem, de qua postmodum dicetur, consideraverit. Sulphureum verò eundem voco, secundum tria illa Chymicorum principia, quæ vel maxime Mineralibus inesse videmus: illi autem trahendi potestatem assignant, quod quasi lentorem quendam & oleosum quid, maximæ tamen subtilitatis, in se contineat: At Sulphure imprægnatum esse magnetem satis liquet ex eo, quod violentia Ignis hoc ipsum evocari, & instar flammæ sese exferere possit, quo etiam sic evocato, omnem attractricem facultatem perire docet *Cabeus l. c.* Imo Sulphureitate sua, seu Sulphureo suo & quasi viscido effluvio, facile imbuat ferrum, ut similem trahendi aliud ferrum adipiscatur virtutem, quod non succederet, si aquea statueretur  
subtili-



DE CULTRIVORO PRUSSIACO. 63

subtilitas, Mercurialisque tantum liquor:  
Interim non fatis extollendam & expri-  
mendam obtinet penetrandi vim, ita ut  
etiamsi densissimæ cistæ includatur, ad  
Septentrionem tamen faciem suam con-  
vertat. Et facultas ejus attractrix, teste Ba-  
ptist. Port. l. 7. *Mag. natural. c. 26.* nullis  
cancellis concludi, nullo obice præpediri,  
aut refrænari potest, quin invisibilis pene-  
tret, & ita vires suas ostendat, ac si nullo  
intermedio vetaretur; astralis enim eius  
est virtus, admodum subtilis, durissima  
corpora pervadens, nulloque obstaculo,  
quocunq; etiam, præclusa: tam facile enim  
per solidissimum lapidem, aut lignum suam  
diffundere valet facultatem, quam per te-  
nuissimum aërem. *Fac, inquit Cabeus l. 2.*  
*c. 6. p. 124. ut ferramentum non tangat Magne-*  
*tem, sed propius accedat per quatuor digitorum*  
*intervallum, ita ut ferrum inter & Magnetem*  
*aliquod corpus, quodcunque tandem sit, inter-*  
*jaceat, sive solidum sit, sive tenue, statim ex Ma-*  
*gnete Magneticas vires concipit ferrum, & ex*  
*tali propinquitate, etsi Magnetem non tangat,*  
*vim acquirit Magneticam, qua se expedite in*  
*polos dirigit, ad se trahit ferramenta, ex se su-*  
*spondit, uno verbo, Magneticum sit.* Aliud ex-  
perimentum à Sneickardo lib. de arte Ma-  
gnesia



## 64 DE CULTRIVORO PRUSSIACO.

*gnesia th. 6. notatur. Ferrum, inquit, subere  
 suffultum, in vasculo quodam natitare permit-  
 tas, quod Magnete exterius applicato, nullis  
 obstantibus impedimentis in momento commo-  
 tum, ac veluti amici præsentiā sentiē, sine  
 mora relicto loco suo in ejus sese amplexum insi-  
 nuare cupiens, ad marginem vasculi conferet. Tu  
 interim quocunque placuerit, magnete extra  
 Vas ad intermedium applicato, intus natitan-  
 tem aciculam deduces, ex quibus plurima visu  
 jucundissima spectacula confici possunt. Idem  
 p. 55. rationem proponit, qua ferrum super  
 tabulam incedere possit. Mediam, ait, acum  
 pone super tabulam, affricta tamen prius basi  
 acus alterutri parti Magnetis, quo facto, ma-  
 gnetem applicato sub tabula ad locum respon-  
 dentem basi acus, & mox cum summa Volu-  
 ptate videbis acum sese erigentem, & ad manus  
 ductum sese infra tabulam moventem. Cui si  
 contrariam partem obverteris, non jam basi, sed  
 cono incedentem videbis. Ex quibus experi-  
 mentis verificatis, sympathia & affinitas  
 spiritus Magnetis & ferri simul colligi po-  
 test. Sunt qui Identitatem Substantiæ hic  
 introducunt, verum sic & ferrum ferrum  
 traheret: verum, est in ferro, est & in Ma-  
 gnete peculiaris spiritus, uterque amicè  
 inter sese familiaritatem exercet, & con-  
 spirat.*



DE CULTRIVORO PRUSSIACO. 65

spirat. Magnetis, trahit ferrum; ferri spiritus, recipit & suscipit hoc efflavium, sicque facultate illa imbuitur, simul & ipse Magneticus redditur.

Hæc ipsa excellens trahendi virtus, ut in Magnete integro fere ab omnibus conceditur, ita num etiam in pulverem redactus idem possit, dubitatur. *Libavius l. 1. Syntagm. arcan. p. 38. & lib. 1. de bitum. in gen. p. 96.* ut & alibi, negat Pulverem Magnetis trahere, quod virtus eius tundendo corrumpatur: huic sententiæ subscribit *Gilbertus*, & plurimi alij non ex professo rem hanc tractantes. Cabeus suum hac de re iudicium suspendit, Medicisque discutiendum relinquit. Quare haut inutile fore arbitror, si partim rationes aliorum in medium prolatas examinaverimus, partim contrariam sententiam argumentis quibusdam roboraverimus, ut, utrum vera sit, amicus Lector colligere possit. Pro *Gilberto*, *Libavio*, & aliis, pulverisato Magnetis omnem vim detrahentibus, sequentes militare possunt rationes. 1. Quod in Magnete pulverisato nulla sit ordinatio polorum ferrum trahentium versus ferrum, fieri enim potest, ut vel poli ferrum pellentes ad ferrum dirigantur, atque sic non tra-

E                      ctio,



atio, sed potius ulterior ferri promotio  
 suboriretur. 2. Quod, ut nonnulli autumant,  
 nullus sit in pulveribus Magnetis Æquator  
 vel Polus, quorum beneficio attractio illa  
 fieri, possit aut debeat. 3. Quod ceræ,  
 oleo, & aliis pinguibus imbutus, vim suam  
 amittat. 4. Quod nulla inter pulverem  
 Magneticum Emplastrum ingredientem,  
 & virtutem ejus trahentem, sit proportio,  
 nam vix aliquod Magnetis grana Empla-  
 stri portiunculæ, parti adhibitæ, admixta  
 sunt, quæ ad trahendum ferrum aliquot  
 Unciarum inepta censentur. 5. Quod Ma-  
 gnes. Emplastro additus exiguarum sæpe  
 sit virium. Verumenimvero non firmo hæ-  
 rationes niti videntur talo. Nam ad 1.  
 resp. Primo, quod Vis attractrix è conver-  
 sis polis sese communicet reliquis polis fer-  
 rum directe aspicientibus, idque ob præ-  
 sentiam affinis & amici sui mineralis, scili-  
 cet ferri, ut adeo per reflexionem virtus  
 illa exeratur, deinde Magnes Magnetem  
 in ordinem reducit, ut habet *Gilbert. l. 1. c. 5.*  
*p. 17.* & ad concordantias disponit: parti-  
 culæ itaque illæ respicientes ferrum, reli-  
 quas vertere poterunt, si non in totum, ta-  
 men ita, ut naturali vi virtutem suam unire  
 valeant, & quidem in eam partem, ubi se  
 major



DE CULTRIVORO PRUSSIACO. 67

major vis prodit, scilicet versus ferrum, quod & ipsum ferrum extrahendum juvaret, utut emplastri materiæ duriori fuerit commixtus pulverisatus Magnes. Ad 2. Falsum censetur id, quod vel in minima portiuncula Magnetis Polus & Æquator non detur; sequeretur enim alias, in nullo Magnete vel Polum vel Æquatorem dari, nisi integra terra easdem exhiberet; vel etiam daretur sic in quavis minera unus tantum Æquator, cuius tamen contrarium ostendit experientia, cum ex unico Magnete maiores artifices globos minores torrent plures, quorum quilibet suum polum ac æquatorem obtinet; ut taceam, quod sit simile aliquod corpus Magnes, de quo mox. Ad 3. responsum suppeditabit Cabeus, qui, loco citato, statuit, nil esse in Natura, quod virtute sua Magnetem privare possit, præter Ignem & Senium: Magnes enim, ut habet Libavius, Igni exagitatus, flagrantem suum Sulphureum spiritum amittit, quo amisso simul perditur vis illa tractrix, residens in spiritu bituminoso sive Sulphureo, ut antea dictum. Senio verò humidum innatum, ut in alijs mixtis omnibus, non tam in totum perit, quam consopitur, quia eodem *Cabeo* p. 131. teste,

E 2

Ma-



## 68 DE CULTRIVORO PRUSSIACO.

Magnes reviviscit, si perfecto Magneti  
 rursus apponatur, & ab eodem imprægne-  
 tur. Ad 4. quod proportionem trahentis  
 & trahendi corporis concernit, dico, non  
 ad corpoream quantitatem tantum, sed ad  
 activam potius qualitatem respiciendum:  
 Nam si alias insignes Examini subieceri-  
 mus medicaminum compositiones, etiam  
 exigua ingredientis portio magnum pro-  
 mittet effectum. Verum & Simplicia ipsa  
 ob oculos ponamus. Quantum quæso vir-  
 tutis Cervinum ingreditur corpus, cum Di-  
 ctamno sibi sagittas inflictas expellit? Que-  
 nam est proportio inter vehemens Cathar-  
 ticum, & humores trahendos evacuandos-  
 que, ubi vel unica sæpissime sufficit pillu-  
 la, quæ & Hypercatharsin non raro indu-  
 cere potest? Nonne beneficio medicamen-  
 ti assumti, & è longinquo, five à Capite,  
 five ab ambitu corporis materia peccans  
 prolicitur, quo tamen non corporalis mas-  
 sa, sed virtus tantum medicamenti per-  
 tingit: cur itaque non sufficeret vis Ma-  
 gnetica Unguento communicata? Ad 5.  
 reponi potest, selectissimum esse eligen-  
 dum Magnetem, Emplastro permiscen-  
 dum, si in primis effectus ille sperari debet:  
 qui vero Igne, vel Senio animam suam mi-  
 neralem



DE CULTRIVORO PRUSSIACO. 69

neralem exhalavit, ille merito repudiandus, cum nullam virtutem trahendi amplius retineat.

Pro contraria itaque sententia aliæ, gravioris ponderis, in medium proferri possunt sequentes rationes, virtutis tractricis in pulverisato Magnete patrocinium suscipientes. 1. Virtus sive spiritus ille Magneticus tractivus, est totus in toto, & totus in singulis partibus, affirmante *Cabeo l. 2. p. 105.* nec dissentit ab eo Gilbertus. Minutissimæ itaque Magnetis partes spiritu hoc imbutæ, ferrum quoque trahere poterunt: Nec enim Magnes dissimulare est corpus, cuius pars abscissa, parum de forma vivente participat, sed simile est, ubi & minima, virtutem totius obtinere potest. Nonne Piperis etiam granulum exiguum calefaciendi vim obtinet? Nonne succini etiam exigua portio paleas trahit? Imo hoc ipsum in pulveres redactum & fermento permixtum, plantisque pedum ad extrahendum calorem, vel Nuchæ ad retrahendam fluxionem impositum, etiam à mulierculis optimo successu adhibetur. Non sane diffiteor, non omnes partes ex æquo ita esse spiritu illo Sulphureo imbutas, ut trahendi facultatem æqualiter parti-



ticipent, excrementa enim plurima ante præparationem fere omnibus mineralibus admixta sunt, quibus tamen sequestratis, selectissima proveniunt mineralia: idem esto de Magnete indicium. Deinde spiritus Magnetis indolis est mineralis, fixamque obtinet naturam, ita, ut non facile à corpore vel partibus eiusdem, etiam minutioribus, avelli possit, quod vel aliorum Salinorum & Sulphureorum mineralium exempla attestantur; nil itaque virium Magnes trituratione vel pulverisatione deperdet. Tertio. Etiam alia ex Vegetabilium & Animalium genere petita, quorum tamen volatiliior & minus fixa est natura, triturando & pulverizando vim attractricem sive Magneticam, ut loquuntur, hanc amittunt. Praxis docet Caput Hirundinis pulverisatum, ac melle mixtum, attrahere omnia membris infixa, quod & præstare dicuntur Cancris vivi contusi, ac mixti cum pinguedine leporis. Globus vel spiculum facile extrahitur sequentibus:

℞. *Ovorum ex Cancris vivis unc. iiij.*

*Pingued. Lepor. unc. v.*

*Succin. albiss. unc. ij. Misce & applica.*

*Imo Colchica herba & radix pulverisata, si*



DE CULTRIVORO PRUSSIACO. 71  
ta, si vulnere imponatur, quicquid ei forte  
inhærescit, magneticâ Virtute extrahere  
dicitur. Vide *Samuel Hafenreffer. l. 2 de Cu-  
rand. affectib. p. 360. & pag. 406. Avicenna*  
præstantissimum hoc commendat:

R. *Ferment. mell. opt. aut Propol. an. lib. ß.*

*Visci querni quart. j.*

*Ammoniacy q. semis. Olei q. unum. misce*  
*F. Empla.*

*Rogerius* asserit multiplici experimento  
comprobatum, quod radix arundinis con-  
tusa cum melle, & apposita, sine dolore  
infixa extrahat. Dictamnum quoque, *Ta-  
psiam, Aristol. & alia*, eâdem pollere facul-  
tate tradit *Tagault. l. 2. Chirurg. c. 4.* quod  
Empl. Apostolic. sagittas & furculos cor-  
pori infixos extrahat, vide *Nicolai dispens.*  
ut & *Weck. Antid. spec. p. 978. & 979.* Quod  
si itaque hæcce ex Vegetabil. & Animal.  
classe petita, etiam in pulverem redacta  
non deserit attractrix illa facultas, qua ra-  
tione Magnetem pulverisatum inferioris  
esse conditionis statuemus, cum minera-  
lium Natura fixioris sit indolis? Quarto.  
Si minor particula, quam quidem in pul-  
verisato Magnete haberi potest, satis ma-  
gnus pondus trahere valet, utique pars  
maior trahet maius quid. Atqui videmus

E 4

1. par-



72 DE CULTRIVORO PRUSSIACO.

1. particulam illam, quâ ferrum ex affric-  
tu Magnetis donatur, acum Hispanicam  
trahere, elevare, illâ tamen parte Magne-  
tis pulverisati longe maiores erunt. Dein-  
de & acum magneticam, ex solo affric-  
tu minimam sane obtinere particulam Ma-  
gnetis, attamen per asseres, mensamque  
lapideam sese afficiunt, ac unire cupiunt,  
magis igitur pars maior. Quinto. Natura,  
quæ sui domicilii conservatrix est, nil non  
ad eiusdem defensionem & reparationem  
molitur: insurgit itaque & illa, intendit-  
que vires ipsius Magnetis, & per Empla-  
strum dispersas quasi recolligit & unit, ut  
feliciorem possit absolvere effectum. In si-  
milibus id quotidie observamus Naturæ  
operibus, nam & externorum & Interno-  
rum remediorum vires ad edendas actio-  
nes exaltat. Sexto. Quia & alia Magneti-  
cis simul admiscuntur Emplastris, quæ si-  
mili trahendi facultate prædita sunt: iis  
itaque Magnetici pulverisati vires utut, ex  
aliorum sententia, exiguæ, si conjungan-  
tur, maiorem vim ad trahendum ferrum  
acquirunt. Hinc & Clarissimi Naturæ  
Consult. sequens maxime extollunt:

℞ Lapid. Magnet. opt. unc. j.

Rad. Aristol. utriusque

polypod.



DE CULTRIVORO PRUSSIACO.

73

*polypod.*

*Visc. quern. an. Dr. j.*

*stercor. anserin. Dr. βj.*

*Gummi ammoniac. Galban. in Vino albo  
dissolut. an: unc. β.*

*Propol. Dr. ij. Mell. unc. j. Misc. pro Empl.*

Septimo. Quia nihil reperiri aut dari potest in Natura, ex sententia plurimorum, præter Ignem & Senium, quod vim Magnetis infringere possit, non itaque trituratio, nec Oleum, nec alia, multo minus verò minor eius proportio. Vult quidem Gilbertus virtutem Magnetis æqualiter, pro quantitatis corporeæ decremento, decrescere, ita, ut lapis unius libræ attollat ferri libras, pars uncialis ejusdem unciam suspendat. Verum ab eo non sine ratione dissentit Cabeus, imo contrarium experimento Clariss. Sennerti comprobatur: est enim ipsi Magnes armatus, à multis visus, qui vix Unciarum duarum est, interim plus quam libram ferri trahit, idque continuo à se pendulum sustinet, nec unquam decidere permittit: vide *lib. 6. Practic. p. 3.* alii idem explorare & experiri poterunt. Octavo. Quia in justa distantia Magnetis actio exercetur, si enim Ventriculi situm vel in eo

E

5

ferrum



74 DE CULTRIVORO PRUSSIACO.  
ferrum delitescens, simul & regionem, cui  
applicatum Emplastrum, consideremus,  
sphæram activitatis suæ Magnetem non ex-  
cedere reperiemus: teste enim *Bodino l. 2.*  
*Theatr. Nat. p. 247.* Semipedis fere spa-  
tium ferrum à Lapide distare oportet, at  
ibidem talis non datur ab his distantia. No-  
no. Quia frustra præstantissimi & experien-  
tissimi Medici Emplastra Magnetica com-  
posuissent, & à Magnete denominationem  
ei adsignassent, si nulla trahendi facultas  
amplius inde expectanda foret. Soliusne  
exsiccationis gratiâ tam pretiosus admisce-  
retur Lapis? cum & minoris pretii sint mi-  
neralia, eâdem, imo & maiori exsiccandi  
facultate prædita. Hinc non tantum apud  
*Felicem Wirtz.* Oppodeldoch ex Magnete  
componitur, ut extrahat tela, & alia, quæ  
præter naturam corpori insunt, ut videre  
est in *Chirurg. ipsius p. m. 668. vide & pag.*  
*674.* sed & apud *Clariss. Sennert. l. 5. Pract.*  
*p. 4. c. 5.* ejusmodi reperiuntur medicamen-  
ta Magnete pulverisato exornata, quæ te-  
la, frustula ossis, spinam, festucam, fer-  
rum, & alia extrahere possunt. Qualia sunt:

℞. Cera nova. unc. j.  
Colophon. resin. flav. an: lib. iiij.  
Am-



*Ammoniac. unc. ij.*

*Bdellij unc. j.*

*Succin. citrin. unc. iij.*

*Ol. è vitell. ovor. unc. iij.*

*LAPID. MAGNET. unc. v.*

*F. s. a. Empl.*

2. *Rx. Cera Virgin. unc. iij.*

*Terebinth. unc. ij.*

*Lap. MAGNET. unc. jß.*

*Fabar. excort. unc. j.*

*Axung. lepor. unc. ß.*

*F. s. a. Empl.*

3. *Rx. Cera, terebinth. an. unc. vj.*

*Colophon. Pic. naval. an. unc. j.*

*Ceruss. Vitriol. Rom. an. unc. iij.*

*Lap. Hematit.*

*MAGNET. an. unc. ij.*

*Mastich. unc. ß.*

*Thuris. Camph. Mum.*

*Sangu. Dracon. an. unc. j.*

*Ol. Juniper. unc. ijß.*

*Ovor. Dr. vj.*

*Caryophill. Dr. ij.*

*Hypericl. unc. ß.*

*Lumbricor. unc. j.*

*M. F. s. a. Empl.*

Vide



76 DE CULTRIVORO PRUSSIACO.

Vide & *Croll. Basil. Chym. p. mihi 267. ut*  
*& Hartm. in Comm. Nicola. in dispens. &*  
*Wecker. in Antidot. special. l. 2. p. 981. p. 989.*  
*p. 997. p. 999. descriptionem Oppodeldoch ma-*  
*gni habet Munder. tr. de Chalcantbo c. 7. &*  
*ex Sennert. l. 5. Pr. p. 414.*

Tandem Decimo, In simili attractionis  
casu Magnetis pulverem quoque valere vi-  
demus, quod cura Herniosorum testari po-  
test. Nam *Paræus l. 7. Chirurg. c. 15. & ex*  
*eo Geiger. in Keligraph. c. 7. referunt; Chi-*  
*rurgum quendam ita Hernias puerorum*  
*curasse, quod Magnetem in tenuissimum*  
*pollinem redegerit, & in polenta eundem*  
*exhibuerit: Inde verò Inguen, ubi præci-*  
*pitabatur Intestinum, inunxerit, & subtili*  
*ferri limatura asperferit, parte fasciâ & sub-*  
*ligaculo, ut decet, constrictâ, sicque cu-*  
*ratio absolvebatur. Remedij, inquit Geig.*  
*l. c. efficacia ex eo pendere videtur, quod Ma-*  
*gnes insita à Natura ferri, quod Inguini asper-*  
*sam est, attrahendi cupiditate, impetu quodam*  
*violento, carnosas & adiposas particulas inter-*  
*jectas, sibi adiungit, quæ Peritonæi laxitatem*  
*undique comprimentes & constringentes; imò &*  
*successu temporis hasu tenaci ipsi se adjungentes,*  
*viam lapsuro Intestino vel Omento interci-*  
*piunt; quod non magis à ratione abhorrens vi-*  
*deri*



DE CULTRIVORO PRUSSIACO. 77.

deri debet, quam quod intuemur, ipsum Magnetem, per interjecti tabulati crassitiem, ferrum post se hac illac distrahere. Sueickard. l. c. p. 54. modum, ex aliorum sententia, invertit quidem, at eodem res recidere videtur. Primo, inquit, infirmis propinant cedua Chalybis in Vino Veteri optimo, deinde exterius ad affectam partem applicant Magnetem, qui pelliculas ruptas, tandem diffuentes, iterum constringit, coniungitque in unum: quod ubi factum est, Emplastrum ex Corio canino, cui inducunt contusam Symphyti maioris subcœrulei floris radicem, ac in pulmentum redactam, quâ parti affecta impositâ, se sanare dicunt plerosque, spatio octidui.

Denique ultimò, quis negare poterit experientiam, in cultrivoro Pragensi notatam, ubi Empl. Magnetic. similiter fuit adhibitum, indeque via monstrata, ubi sectio commodè institui potuit. In nostro Rustico hant dissimile quid notatum: Eo enim loci, ubi portio Magnetici Empl. fuit imposita, tuberculum quoddam est exortum, motus etiam quidam cultelli, tùm versis illam partem, ab ægro perceptus fuit. At unde hæc? Sanè non nisi à Vi tractricis facultatis Magnetis, & aliarum rerum vi tractrice similiter præditarum. Quis itaque



78 DE CULTRIVORO PRUSSIACO  
itaque, hisce perpensis, diceret Magne-  
tem pulverisatum nil valere, & frustra ad  
extrahendum ferrum præscribi, medica-  
mentisque permisceri?

*De*  
IPSA VENTRICVLI  
INCISIONE, CULTRI-  
QUE TRACTIONE.

SECTIO TERTIA.

**C**Orpore Balsamicis oleis, aliisque  
necessariis ritè recteque disposito,  
tandem dies nona Iulii stylo nostro  
operationi destinata fuit. Convenerunt  
itaque cum Decano Fac. Med. Excel-  
lentissimi Medici, Collegii ejusdem  
membra honoranda, nec non Dnn.  
Studioſi noſtræ artis, ſimul & Expe-  
rientiſſimus Chirurgus & Lithoto-  
mus, Dominus Dan. Schvvabius, com-  
pater ac amicus venerandus, iam *ἐν*  
*αὐτοῖς*. Cum itaque omnia ad manus  
eſſent tum Interna & Externa Cordia-  
lia, tum alia Chirurgica, invocatâ prius  
Divinâ



Divinâ assistentiâ & benedictione, Rusticus ille, qui intrepido sectionem expectabat animo, tabulæ lignæ alligabatur, & loco carbone designato, versus sinistram Hypochondrii partem, ad duos transversos digitos, sub nothis costis, secundum rectitudinem, Incisio fiebat, primumque Cutis & panniculus carnosus (pinguedinis exigua conspiciebatur portio) mox & subiecti muscoli, ut & Peritonæum sectum & resecratum fuit. Et licet Ventriculus aliquomodo subsideret, digitorumque apices fugiendo, non ita statim apprehensionem admitteret, & remoram aliquam operanti & astantibus injiceret; tandem tamen, acicula incurvata attractus contractusque, præsentiam cultri designavit, quo apprehenso, & ad superiora deducta cuspide, supra eandem Ventriculus paululum incisus, culterque feliciter extractus, qui & omnibus astantibus conspiciendus propositus, magno & ipsius agroti, qui hunc suum esse genuinum cultrum, ante



80 DE CULTRIVORO PRUSSIACO.  
ante aliquot dies deglutitum, profite-  
batur, & astantium applausu. Vulnus  
verò ipsum, cultro extracto, statim  
concidit.

P O S I T I O VII.

*Magna VENTRICULI est dignitas, ma-  
ior utilitas, maxima necessitas, attamen Vul-  
nera eius ( nî orificii superioris partem tan-  
gant ) nullius, ut nec substantiæ membranose  
ratione, per se Lethalia, periculo tamen hant  
vacantia, censenda.*

**T** Res quidem præcipui sunt fontes,  
Morbus scilicet, Causa, & Vires, un-  
de Indicantium propriè dictorum nu-  
merus, promanat, curatorium, nempe,  
Morbum; Præservatorium, Causam; & Vi-  
tale, Vires respiciens: Nonnulla tamen sunt,  
quæ à Medico in morborum consideratio-  
ne necessario attendenda, non ut prima In-  
dicantia, sed Verorum Indicantium Indi-  
cantia, five Coindicantia, ut ex Gal. 11. m.  
m. c. 13. & 9. m. m. 3. colligitur. Inter hæc  
optimo jure primas sibi vendicat PARS AF-  
FECTA, cuius ratio & consideratio tanti  
censetur esse momenti, ut à nonnullis inter  
primaria Indicantia collocata fuerit. Nam  
non



DE CULTRIVORO PRUSSIACO. 81

non tantum digito quasi vera Indicantia  
monstrat, & sic signorum Naturam induit,  
sed ad insinuationem agendorum, eorum-  
que genuinam administrationem, pluri-  
mum confert. Quinimò & fundamenta  
Prognoseos suggerit, & quem morbus sit  
habiturus exitum, haut obscurè docet. In  
Vulneribus sanè non tantum Vulneris ma-  
gnitudo, & causæ malignitas, sed & affe-  
ctæ partis præstantia & præcellentia atten-  
denda, quo sic, num vulnus eidem infli-  
ctum, Lethale vel Periculosum, vel minus  
lethale futurum sit, pronunciare possimus:  
Hæc autem præstantia concomitantem ha-  
bet & Utilitatem, & Necessitatem. V E N-  
TRICULI si iam considerationem insti-  
tuerimus, non indubitata quoque de ejus-  
dem Vulneribus Prognosis institui poterit.  
Eximium hæc pars meretur dignitatis lo-  
cum, quod, & toti corpori maximam sug-  
gerat utilitatem, simul & eidem maxime  
sit necessaria. Quemadmodum enim Ho-  
mo sine cibo & potu naturaliter Vitam pro-  
ducere nequit, ita nec organo eiusdem  
concoctioni dicato, carere valet. Dantur  
quidem Exempla eorum, qui non tantum  
ad plures dies, sed & menses, imò annos  
cibo & potu omni destituti, vitam dege-  
runt,

F

runt,



runt, ut notant *Smet. in miscell. p. 551. Lang. l. 2. epist. 27. Donat. l. 7. Med. hist. mir. c. 1. & l. 4. c. 14. Schenck. l. 3. obs. med. 39. & c. Ioubert. l. 1. Parad. 2. Quercetan. Diætic. polyhist. p. 204. Hildan. Centur. 5. p. 113. Sen. nert. l. 3. Practic. part. 1. f. 1. c. 2. & alii. Verum, ut inter rariora Naturæ hæc numerantur, ita & vita illa sat fuit misera, donec ad naturalia iterum se converterint media. Quare Natura omnibus animalibus Ventriculo prospicere voluit, ut assumptum ab Ore alimentum, ab eodem exciperetur, exceptum conficeretur, confectum aliis omnibus corporis partibus distribueretur. Absque Cerebro puerum quendam decennem per triennium victitasse notat *Zacutus Lusitan. l. 1. de prax. medic. adm. obs. 4. Pulmones in quodam Puero Pththifico, dissecta post mortem Thoracis regione, non sunt inventi, sed tantum mucilago quædam asperæ arteriæ adnata: Et in puella trium annorum, Quartana diuturna extincta, Pulmones quoque ita contabuisse, ut nullum illorum vestigium appareret, sed tantum membrana, plena purulenta materia, cum tamen nunquam de tussi (mirabile ductu) conquesta fuisset, vel pus expuisset, ex eodem *Zacut. l. 1. obs. 100, constat.***

Obser-



DE CULTRIVORO PRUSSIACO. 83

Observavi hic Regiomonti, Hydropicam  
quandam reſtitutam, per integrum annum  
tolerabiliter vixiſſe, ita, ut & ædes ſacras  
viſitare, & munia domeſtica obire potue-  
rit, poſtmodum feбри ſubito extinctam  
fuiſſe, in cuius abdomine exiguum Hepa-  
tis veſtigium, at plane corroſum, inven-  
tum fuerit. Nil Hepatis & Lienis in Mat-  
thia Ortelio repertum eſſe legimus apud  
Schenckium. Sine Utero plures vixiſſe mu-  
lieres, & vivere poſſe, patet ex *Aeginet. l.*  
*6. c. 88. & l. 3. c. 72. Aëtio tetrab. 4. Serm. 4.*  
*c. 76. Nicol. Florent. Serm. 3. tr. 3. c. 26. Lang.*  
*l. 2. epiſt. 39. Beniven. de abdit. c. 11. Chriſt. à*  
*Vega comment. ad aph. 18. l. 8. & c. Paræo l.*  
*de homin. gener. c. 41. Glandorp. in ſpecul. Chi-*  
*rur. p. 185. Schenck. l. 4. obſerv. 303. 304. 305.*  
*Zacut. l. 2. p. 196.* Quin imo in quodam  
diuturno morbo extincto, nullam prorsus  
Cordis portionem, ſed ejus tantum tuni-  
cam repertam fuiſſe, teſtatur *Teleſius l. 5,*  
*rer. natural. c. 28. & ex eo Hildan. Centur. 4.*  
*obſ. Chirurgic. 51.* Ventriculo autem homi-  
nem caruiſſe, nec unquam me apud Medi-  
cos obſervaiſſe, memini. Noluit enim Na-  
tura crudum & indigeſtum alimentum  
partibus offerre, ſed prius in Ventriculo  
præparatum & elaboratum. Hinc quoque



84 DE CULTRIVORO PRUSSIACO.

salus & incolumitas totius corporis ex bona Ventriculi dispositione dependet. Hoc bene valente, totum valet corpus, eodem verò male affecto, crudus & vitiosus Hepati subministratur chylus, cujus vitium, secunda coctio nulla ratione emendare valet, & sic impurus quoque postmodum, non sine detrimento sanitatis, singulis partibus suppeditatur sanguis. Demonstravit hanc Ventriculi necessitatem & utilitatem, iam olim Agrippa Menenius, plebis Romanæ apud Senatum patronus, eleganti apologo, concluditque, Ventriculum alere corpus nostrum, dum alitur, & servare, dum servatur, esseque velut commune penarium, suum cuique attribuens, conservansque pacem omnium, ut est apud Livium, ut & Dionys. Halicarnas. l. 6. antiq. p. m. 607. Qua de causa & Ventriculus à Q. Sereno regio exornatur Diademate, dum inquit :

*Qui Stomachum Regem totius corporis esse  
Contendant, vera niti ratione videntur.*

*Hujus enim validus firmat tenor omnia mem-  
bra,*

*Et contra ejusdem franguntur cuncta dolore.*

Hincine verò Vulnera Ventriculi profunda le-



da lethalia proclamanda? Sic quidem cum  
*Hippocr. l. 6. aph. 18.* censuerunt *Celsus l. 5.*  
*de re Med. c. 26. Valleriol. l. 3. enarr. medic. p.*  
*442. Forest. l. 6. obs. Chirurg. 5. Comm. Fram-*  
*bessar. l. 8. Canon. & consult. medic. 13. &*  
*Tagault. l. 1. Instit. c. 3.* qui tribus de  
 causis Vulnere ejusdem lethalia statuit.  
 1. Quod pars ipsa sit nervosa & exsanguis.  
 2. Quod ejus usus perpetuo conservandæ  
 vitæ sit necessarius, & utilis. 3. Quod me-  
 dicamenta penitiori huic parti haud com-  
 mode possint adhiberi; addunt nonnulli  
 exempla: sic ex leviori Ventriculi, circa  
 infimam partem Vulnere, hominem extin-  
 ctum esse, notat *Amat. Lusit. Cent. 1. curat.*  
*67. &c.* & postmodum alia quoque similia  
 proferentur exempla, quæ ex leviusculis  
 etiam Vulneribus hominem mori posse,  
 commonstrant. Verum iam olim Galenus  
 de universalis hujus Regulæ Veritate sub-  
 dubitavit. Nam in *Comment. Dict. aphor.*  
*Hipp. inquit. In Ventriculo dubitatur* (Vul-  
 nus scilicet esse lethale,) *nam quosdam in eo*  
*vulneratos dicunt aliquando, sed rarò fuisse sa-*  
*natos.* Et sane optime consolidata Vulnere  
 Ventriculi etiam profunda fuisse, Medico-  
 rum testantur volumina. *Albucasis. l. 2.*  
*meth. c. 503.* scribit, se vulnera Ventriculi



86 DE CULTRIVORO PRUSSIACO.

& Intestinorum restituisse. Christoph. à Vega Comm. ad aphor. citatum narrat, Chirurgum quendam iurasse, se hominem, qui fauciato Ventriculo, non longe à cibo assumpto, per Vulnus chylum rejecit, curasse. *Fallopins cap. 12. de Vulnerib.* fatetur, se sanasse mulierem & hominem, à quibus egrediebatur chylus & cibus. *Schenck. lib. 3. obs. 122.* ex observat. Oethei refert, Chirurgos constanter affirmasse, se quendam militem robustissimum, & magni animi hominem, à rustico venabulo circa Hypochondrium dextrum perfossus, curandum suscepisse, cujus stomachus à dextro latere perforatus, potum & iuscula per Os assumpta, iterum per Vulnus reddidit: Interim prognostico astantibus dato, se operam dedisse, ut adducta ad exteriora parte stomachi Vulnerata, una eademque sutura & stomachi pars conscissa, & Cutis colligerentur, sicque postmodum vulnere feliciter consolidato, ad priorem sanitatis firmitatem vulneratus redierit. Historia læsi, & curati in Cultrivoro Prageni Ventriculi, idem docet, & confirmat. *Ante annos aliquot (ut à fide dignis accepi) cuidam Nautæ ministro, Dantisci degenti, cum ante paucas horas halecis portiones aliquot, & Cucumeres*  
*crudos*



*grindos devorasset, vulnus ab alio ejusdem Ven-*  
*triculo inflictum est. Chirurgus vocatus, vi-*  
*dens profundum esse hoc ipsum vulnus, & diffi-*  
*ciliorem curationem fore autumans materia in-*  
*gesta relicta, eandem arte extraxit, sicque post-*  
*modum Curationis telam feliciter pertexuit, &*  
*absolvit. Matthæus Centur. quest. med. 21.*  
*scribit, quendam aurigam post cœnam sum-*  
*tam, cultro in abdomen Vulneratum esse,*  
*intra mensem tamen Ventriculum coaluif-*  
*se, & ægrum sanatum esse. Huic experien-*  
*tiæ & rationes adstipulantur. Ventriculus*  
*enim non parum de carnosâ substantia, in-*  
*tra Communes membranas delitescente,*  
*participat, ejus itaque beneficio concretio*  
*& vulneris coalescentia scite expediri po-*  
*test: Nam & Vesicæ collum, itidem pa-*  
*tum carnositatis possidens, vel quotidie sa-*  
*nari videmus, cum ex ea lapis extrahitur.*  
*Vulnus ejusdem optime curatum tradit Fe-*  
*lix Wirtz. in Chirurg. p. 221. vide Glandorp.*  
*specul. Chirurg. p. 176. Uterum, qui fimi-*  
*lem cum Ventriculo obtinet substantiam,*  
 *sæpius discissum, optime tamen vicissim*  
*consolidatum esse, infinita testantur ex-*  
*empla. Vide Dodonæum p. 282. Cornar. con-*  
*sult. medic. p. 118. Hochsteter. Decad. 6. obs. 3.*  
*in Schol. Francisc. Rouffet. tr. de Part. Cesar.*



88 DE CULTRIVORO PRUSSIACO.

& *Bauhin. in append. ejusdem tract. Senn. l. 4. Præf. part. 1. f. 2. c. 16. & part. 2. f. 6. c. 8.* Deinde quis denegaret membranosis nervosisque partibus balsamum, quo ut conservari, ita & postmodum uniri & curari possunt, si inprimis arte juvetur Natura. Facilitat denique curationem, quod assumpta per os, imo & externe adhibita, Vulneri facilius insinuari possint. Hinc non male cum *Paræo l. 9. Chirurg. c. 54.* concluditur: Vulnera, quæ Ventriculi substantiam penetrant, haut tanquam deplorata, remediis deserta patietur Chirurgus, imo in ipsis sedulo curandis, nec labori, nec industriæ parcer. Dubia enim spes, certa desperatione est potior. Quod si tamen Orificio superiori inflicta fuerint, periculosissima censenda, nam regio illa Nervis, à sexræ conjugationis pari derivatis, abundat, unde sensus exquisitus, cruciatusque acerbiores redduntur. Imo Convulsiones, quæ in Vulnerib. *Hipp. f. 5. aph. 2.* lethales statuuntur, ut & Vomitiones biliosæ, vulnus magis lacerantes *Cels. l. 5. c. 6.* pertimescendæ. Denique & remediorum internorum usurpatio minus accommodata, cum assumpta fundum petant.

DE



DE  
VULNERIS CONSOLI-  
DATIONE.

## SECTIO QUARTA.

C Ultro feliciter educto, ægroto-  
que vinculis soluto, Vulnus eo,  
quo par erat modo, demundatum, ab-  
domenque incisum quinque futuris  
clausum: per harum autem interstitia  
Balsamum tepide instillatum, turun-  
dæque Balsamo imprægnatæ, imposi-  
tæ, tandemque Cataplasma ex Bolo,  
albumine Ovi, & alumine, ad aver-  
tendam omnem inflammationem, su-  
perimpositum. Circa quintam Vesper-  
tinam seq. decoctum, cum pulyeris  
seq. portione, sumsit,

℞. *Herb. Betonic. Sanicul*  
*Matrisylv. Pyrol. an. Mj.*  
*Tormentil. M. β.*  
*Coq. in s. q. Aq. simp.*

F 5

Dein-



Deinde

℞. Colat. unc. ij.

add. Syr. d. hyssop. unc. β. Misc.

℞. Pollin. nu. mosch. unc. j.

ocul. cancr. unc. j. D. ij.

M. F. pulvis.

Simul & hac vespera remotum est capitalasma, Emplastrum verò stipticum impositum.

Die altera morbi, sive die 10. Jul. mane hora septima, vicissim convenimus, tum quietam habuerat noctem, pulsus paululum erat celerior, Urina sanguinolenta, cum sedimento grumosi sanguinis. Vulnus bene dispositum conspiciebatur, nec de dolore ullo ægrotus conquerebatur, id ipsum mundabatur Vino, & remotis duabus futuris, instillatoque Balsamo, Emplastrum vicissim impositum. Hac ipsa die bibit de contuso Caponis, cui sequentes herbæ incoctæ:

℞. Herb. Veronic. Pyrol. alchemill. an. Mi-

stratiot. Hypericon. an. M. β.

Agrimon. Mij.

Fl. Cor-



DE CULTRIVORO PRUSSIACO. 91

*Fl. Cordial. an. Piss.*

*In Colatura parum ebull.*

*Cons. scabios. meliss. an. unc. jß.*

Circa quintam pomeridianam, iterum deligatio fuit instituta modo prædicto, & cum alvus esset segnior; suppositorium fuit adhibitum, at sine effectû. Circa noctem, haustum decocti prioris cum pulvere repetiit.

Die tertia morbi, & die 11. Jul. hora septima matutina, deligatum est Vulnus prædicto modo, remotis vicissim duabus futuris. Hac nocte parum dormiverat, nam fere per integrum diem præcedentem somno indulserat. Urina adhuc cruenta erat. Pulsus à celeritate remittebat, satisque laudabilis erat: tensio tamen quædam cum dolore in sinistro Hypochondrio percipiebatur. Et cum summo mane Enema quoddam ex decocto hordei cum sach. & cass. confectum, infusum esset, nullamque inde sensisset evacuationem, sequens fuit præscriptum, quo eo felicius sanguinis grumosi portiones dissolverentur; *ad hoc enim plurimum valere Saturejam vult Valleriol. in obs.*

*R. Herb.*



℞. *Herb. emollient. an. Mj.*  
*Saturej. melilot.*  
*Chamem. aneth. an. M β.*  
*Fl. chamem. Verbasc. an. Pij.*  
*Sem. lini. fenugr. fanicul. an. Dr. j. β.*  
*Coq. inf. q. Aq. s. ℞. colat. lib. j.*  
*add. Elect. lenit. unc. j β.*  
*Mell. anthos. Dr. vj.*  
*Sal. gemm. Dr. β.*  
*Misc. F. Enema.*

Huius effectus fatis laudabilis fuit, nam copiosa, & quasi nigredine quadam tincta, conspiciebantur excrementa: sed & molesta illa tensio, inunctione simul facta ex ol. verbasc. & aneth. sedata fuit.

Hora quinta more solito omnia in deligatione vulneris administrata fuere.

Die 4. morbi & die 12. mens. idem in mundificando & deligando observatus fuit processus. Dormiverat bene, Urina adhuc dum rubedine tincta erat, pulsus nonnihil debilior: in brodio pulli sequentes fuerunt incoctæ herbæ:

℞. *H. Veronic. agrimon.*  
*pyrol. fanicul. an. Mj.*

*Beto-*



DE CULTRIVORO PRUSSIACO.

93

*Betonic. tormentill. an. Mß.*

*Rad. Symphyt. maj. unc. ß.*

*Scob. lign. sanct. unc. j. Misc.*

Dorsum quoque Ungu. rosaceo inun-  
ctum.

Nec pomeridiana deligatione quicquam  
immutatum fuit.

Die 5. morbi & 13. mens. mane hora se-  
ptima ægrotum nostrum vicissim invisi-  
mus: insomnem quidem habuerat noctem,  
nulla tamen virium prostratio aderat, pul-  
susque laudabilis. Urina aurei coloris cum  
sedimento albo, sed copioso & crasso, con-  
spiciebatur. Pus vulneris bonum appare-  
bat, alvi que segnitie Clysteris usu corri-  
gebatur. Vulneri, ut antea, prospectum.  
Quod & post meridiem factum.

Die 6. morbi & 14. mens. mane Vulnus  
Vino, myrrha, & aloe imprægnato elue-  
batur, deligatioque more consueto insti-  
tuebatur. Lingua aliquantulum aridior  
melle rosato humectabatur, collum verò  
externe oleo amygd. dulc. inungebatur.

Idem & Vesperi observatum, & pera-  
ctum.

Die 7. morbi & 15. mens. Quietam ha-  
buit noctem, pulsus satis fortis, & jam in  
portu



24 DE CULTRIVORO PRUSSIACO.

portu videbatur. Vulnus ratione solita deligabatur. Quod & post meridiem repetitum.

Die 8. morb. & 16. Mens. nulla quoque mutatio facta est. Hausit hac die portionculam aliquam Infusi Rhabarb. cum Syr. dysent. Dorncr. unde semel alvum solvit. Subsequentibus diebus usque ad 14. morbi, idem deligationis & mundificationis modus fuit observatus, nisi quod rarior esset usus Balsami, ne vulnus justo citius ad consolidationem perveniret, & à Myrrhato quoque Vino abstinuimus.

Quæ, hisce diebus peractis, postmodum forte actitata fuerunt, leviuscula censentur, nec repetitione digna.

Diætæ tamen ratio exacta fuit habita: licet enim Natura crassioribus eduliis assueta esset, ob læsum tamen Ventericulum mutatio ad tempus necessario instituenda erat, ne vulnere, & sibi ipsi ægrotus, ob cruditatem, negotium facesseret. Hinc & potus eidem usque ad 14. diem moderate calidus propinabatur.

*Sicque per Omnipotentis Iehovæ, & supremi  
directoris gratiam & clementiam, singularique  
Medicorum, & Chirurghi, industria & dexte-  
ritate, Rusticus noster cultrivorus optima est  
resti-*



DE CULTRIVORO PRUSSIACO. 65

restitutus sanitati, qui nil de doloribus Ventriculi ullis iam conqueritur, sed ad consuetam Dietam & munia officii sui reversus, nobiscum DEO IMMORTALI gratias agit,  
Huic itaque sit gloria, laus, & honor,  
in seculorum secula Amen.

POSITIO VIII.

Ut Vulneris Ventriculi, cultro evulso, subita occlusio, ita & excretio sanguinis Concreti per Urinam, Naturæ provide beneficium censendum.

**A**Dmiranda in profligandis curandisque morbis NATURÆ efficacia, nullis elogiis deprædicari, nulloque mentis acumine satis investigari & explicari potest: Nam & ea, quæ ad oculum impossibilia nobis censentur, sola Natura exsequitur, & ad optatum finem deducit. Illa latitantes calidi innati igniculos excitat, & adversus morborum vehementiam pugnat, nec raro eosdem oppugnat. Illa humorem noxium per meatus sæpe occultos, ad stuporem usque expellit, & extra corporis fines eliminat. Unde non minus scite, quam docte & vere, Natura à Baricello l. 2. de Hydronos. Natur. 6. 34. Dux & Præfectus nominatur.



minatur, corpus ab insidiis & insultibus morbi defendens. Utut enim morbus, hostis sanitatis acerrimus, ex variis symptomatibus & accidentibus compilatum habeat exercitum, quo corporis partes hostiliter oppugnare conatur; Natura tamen, ceu Zelotypus defensor, à Symptomatum incursibus & ab affectuum insidiis corpus & ejus Virtutes custodire tentat, omnesque nervos intendit, quo Victoria uti possit. Nonne Natura excitato interno caloris foco, ægrotis succurrens, quicquid in illis sensum motumque voluntarium impediebat, discutit & absomit, ut quem non operosa medentium manus, non accurata Medicorum industria, nec varia medicamentorum genera restituere potuerunt, ipsa sola à morbi mortisque violentia vindicari? Quoties Apoplectici, qui jamjam animam exhalare credebantur, beneficio Naturæ vires suas, ad noxii depulsionem recolligentis, sanantur, & reviviscunt? unde & lege cautum est, ne Libitinarii aut Vespillones eos, quos mortuos existimant, loculo statim includant, cum in illis, imprimis si Apopl. Epileps. aut Uteri suffocatione obruantur, anima nonnunquam delitescat, quæ excitata corpus spiritu, vita-

que



que rursus imbuat. Si itaque ejusmodi corpora sanie & tabe non statim diffluant, non nisi elapso duarum & septuaginta horarum curriculo, quo humores fisti contingit, moverique desinunt ( quod Luna eo temporis spatio unum Zodiaci signum peregerit, cujus vi humorum decursus in corporibus perficitur ) sepulturæ tradenda erunt: *Lemn. l. 2. de occult. nat. mir. c. 3. Forest. l. 10. obs. 79. schol. Vide & Avicenn. f. 1. l. 3. tr. 5. c. 12.* Notatu dignam recenset historiam *Amat. Lusitan. Cent. 4. curat. 23.* Puella quædam, inquit, *Ferrariensis Apoplectica*, ab omnibus Medicis pro mortua habita fuit, cum vero mater eandem summo opere amaret, eam non ita facile sepeliri permisit, & eo magis, quia ab aliis perceperat, quod, qui subito & repente gravioribus morbis corripuntur, & pro mortuis habentur, non sic facile & repente clero sint committendi. Mater itaque puellam per triduum apud se, contra omnium opinionem, detineri fecit, & tertia die puella, quasi ex inferis sublevata revivixit. Quoties Utero suffocata, & pro mortuis jam recensita, solius Naturæ robore vitam quasi recipiunt, ut Medicorum testantur volumina? Nota est historia Colonienfis illius matronæ, cujus ædes adhuc ibidem in foro novo conspiciun-



98 DE CULTRIVORO PRUSSIACO.  
ciuntur, hæc five Uteri strangulatione, si-  
ve ut alii volunt, Peste correpta, pro mor-  
tua sepelitur. In hujus vero digitis annu-  
lum relictum vespillones noverunt, quare  
nocte subsequente clam ad sepulchrum ac-  
cedunt, loculumque effodiunt, & ape-  
riunt. Quid fit? sepulta sese erigit, &  
Vespillonum, timore perculsorum, aufu-  
gentium relictam lucernam apprehendit,  
& ad ædes mariti properat, à quo cognita  
postmodum, optima victus ratione adhi-  
bita, convaluit, & tres deinde filios ge-  
neravit, quos ministerio Ecclesiastico  
præesse voluit, ut habet *Camerar. Cent. 7.*  
*obs. 46.* Quoties plurimi diu claudi, reso-  
luti, & contracti, Ira, timore, vel Incen-  
dii metu, nimirum perculsi, repente opti-  
mæ sanitati restituti sunt, ut exempla re-  
stantur apud *Valleriol. l. 2. obser. med. 4. &*  
*p. 164. Donat. l. 7. hist. med. mirab. 9. Za-*  
*ent. l. 1. de Med. princip. hist. p. 255. Schenck.*  
& alios. Deinde, Natura quoque non ra-  
ro peccantem in corpore humorem, vitæ  
insidiantem, per abstrusas plane vias, &  
occultos meatus è corpore mirabiliter ex-  
pellit, ut, qui Medici industriam eluserat,  
sola postmodum vincatur & abigatur Na-  
tura. Hæc clausa aperit, & jam quasi abo-  
lita



lita ad usum destinata. In quodam juvene  
 fure dissecto observavit *Cl. Arniseus*, Ana-  
 stomosin Venæ Cavæ & Arteriæ venosæ,  
 ut & Canalis ab Arteria magna ad Venam  
 arteriosam, magis apertam fuisse, quam  
 in Infante recens edito, testante *Cl. Horstio*  
*Epistol. medic. p. 459.* Quî in Hydropicis  
 itidem vasa obliterateda, in salutem ægro-  
 rum, solius Naturæ beneficio, vicissim re-  
 ferentur, materiaque serosa exinde eva-  
 cuetur, praxis docet: vide *Forest. l. 19.*  
*obs. 33. Beniv. c. 42. Donat. l. 4. c. 21. Sen-*  
*nert. l. 3. Pract. c. de Hydrop.* Quid vero  
 dicendum de motu & progressu humorum  
 vitiosorum, per vias nunquam satis per-  
 spectas? Ex Thorace per Urinam mate-  
 riam evacuari, inter infinita exempla apud  
 autores consignata, illud testari potest,  
 quod adnotavit *Cl. Sennertus* tum *l. 2. Pract.*  
*p. 2. c. 11.* tum alibi locorum de Juvene  
 quodam studioso, qui Ann. 1623. in pe-  
 ctore vulnus accepit, gladio non lato in  
 dextra parte, circa costam tertiam, prope  
 alam in pectus adacto, & è regione prope  
 spinam exeunte, ut de læso pulmone nil  
 dubitatum fuerit, cum & spiritus cum so-  
 no magno è vulnere exierit, & maxima  
 sanguinis copia è vulnere effusa fuerit, &c.



100 DE CULTRIVORO PRUSSIACO.

Huic primis diebus aliquoties aliquid sanguinis per alvum dejectum est : materia vero sanguinis , quæ inter musculos & cutem in magna copia colligebatur , simul & collum occupaverat , & manifestum humorem induxerat , absque omni tussi , per sreatum sputum album satis & copiosum ejicientem , evacuata est. Quis hic non occultam *ἔρροισιν* Hippocratis locum habere dicet ? Quis non imperscrutabiles naturæ motus & meatus mirabitur ?

*Cum vero hic ipse vulneratus, non tantum ex voto per Dei gratiam, tum temporis sit curatus, sed & in hanc usque horam bene valeat, & ab eo usque tempore in hoc ipsum, nullam ob vulnus neque in respiratione, neque in aliis actionibus siue vitalibus, siue animalibus, siue naturalibus, molestiam senserit, & per tredecim annos in Conjugio exoptato, utut Praxi molestissima, & aliis publicis occupationibus, Salvus vitam degerit, hisce simul Deo Ter opt. max. unico Sospitatori suo votivas suspendit tabulas, gratiasque devotas, pro tantis hætenus sibi indigno concessis beneficiis, agit. Quin & diligentissimo suo Medico Cl. Dno. Senner-to, Præceptor olim suo Clarissimo, immortales agit, & quamdiu spiritus hos reget artus, pro fideli cura acturus est gratias, vegetam  
eidem*



DE CULTRIVORO PRUSSIACO. 101

*eidem senectam, viresque constantes & prosperima quæque apprecans. Tu vero, ô Deus! & in posterum eundem ante vulneratum, sub alarum tuarum umbra protege, adversus Invidiam & calumniam malorum fortiter defende, & tandem ex molestissimo huius perfidi sæculi stadio, eundem in cœlestem avocare digneris Academiam.*

Hæcce Naturæ, provide, & optime agentis beneficia, noster quoque Rusticus est expertus, partim citissima illa vulneris in Ventriculo occlusione, post extractum cultrum, partim sanguinis concreti evacuatione per Urinam. Illam promoverè potuit Ventriculi interna constitutio rugosior, quæ plurimis plicis ditata est, quæ si dilatantur, mox vicissim coeunt; Hanc vero inexplicabilis, post divinam misericordiam, Naturæ bonitas. Quæ enim, quæso, molestia, quæ symptomatum syndrome oborta fuisset, si sanguis ille extravasa remansisset? putredinem certe concepisset, caloremque febrilem induxisset. Vias autem si hic quæsieris, per quas sanguis hic ad Renes delatus, & per Urinam evacuatus sit, eas vix manifestas invenies; sufficit Naturæ eas cognitæ esse, cujus motum si Medicus attenderit, facile imitari

G 3

can-



102 DE CULTRIVORO PRUSSIACO.

candem poterit. Est sane confluxile & per-  
spirabile totum corpus; una est confluxio,  
una conspiratio, consentientia omnia, teste  
*Gal. l. 6. Epid. lib. 3. de Natur. facult, &c.*  
Hinc Natura materiam, in capite femoris  
contentam, per os evacuavit, in altero  
Tumoris circa genu dextrum materiam ad  
Ventriculum detrufit, & per Vomitus re-  
jecit, observante *Dno. Horstio l. 4. Chi-  
rurg. obs. p. 2. p. 353.* Hinc, abscessu circa  
Humerum serius aperto, humor deorsum  
viam quærens, in imum Ventrem defluxit  
ad genitalia, & extincto calore nativo,  
gangrænam procreavit, moxque sphace-  
lum, teste *Hildan. Cent. 1. obs. 81.* sed de  
his fatis,

Posi-



## POSITIO IX.

*Ut magna partium Vulnera Prognostico soli non relinquenda, ita nec exigua vilipendenda. Ex cujusvis enim generis Vulneribus homines mori posse, docet Hippocr. l. 2. prorrhetic. confirmatque Experientia.*

**D**Vo sunt, quæ Medicus Praxin exercens inprimis detestari debet, Timiditas scilicet, & Audacia: illa enim impotentiam, hæc artis ignorantiam, teste Hippocr. de Lege, arguit, utraq; autem ægrotum præsentissimo exponit periculo, eum enim, quem Natura servare voluisset, ad Orcum detrudit. Quare in morbis periculo plenis, Medicus præsentis sit animo, & prudentia sua curationis periculosa cursum dextre dirigat: in levioribus vero audaciam omnem seponat, ne malum præter spem prævaleat, ægerque succumbat. Quod ut in aliis morbis omnibus, ita & in Vulneribus maxime attendendum. Curata non raro sunt Naturæ Virtute, & Temperamenti bonitate, Vulnera maxime lethalia, & ab omnibus pro incurabilibus habita: sed & non raro leviora, & quæ nullius fere fuerunt momenti, feralem experta sunt exitum.



X  
tum. Vulnerata cerebri ipsius substantia,  
portioneque inde amissa, nemo non lethale  
reddi vulnus dixerit, at præter spem ita  
vulneratos optime convaluisse, testantur.

*Valleriol. l. 4. obs. 10. l. 5. obs. 9. l. 6. obs. 4. Hil-*  
*dan. Cent. 4. obs. 1. 2. 3. Andr. à Cruce de Vul-*  
*nerib. l. 1. tr. 2. c. 14. & alij citati apud Schenk.*  
*l. 1. obs. 40. 42. Censet quidem Amat. Lus.*

*Loton*  
 *$\frac{1}{2}$  un-*  
*cia.*

C. 3. cur. 41. in *Comm.* ad Cerebri extractam  
portiuunculam, non tantum ægrum fere  
semper mori, sed & si quem evadere con-  
tingat, eum surdastrum, mutum, &c. per-  
manere: verum aliud infinita testari pos-  
sunt exempla, inprimis illud, quod recen-  
set *Petræus tom. 2. Nosolog. Disput. 36. quest.*

X  
10. licet enim puero illi vulnerato, ad tres  
Lotones de Cerebri substantia secesserit,  
optime tamen is non tantum convaluit, sed  
& nulla animalium actionum læsa, & hisce  
meis vidi eundem oculis Anno 1615. cum  
Marpurgi Musis litarem, vegetus is erat,  
& satis astutus, non tantum ad exercenda  
sua munia, sed & nequitias. Quis crederet,  
adacto in viscera globulo ex ænea fistula,  
tribus sub Ventriculi regionis digitis, ho-  
minem incolumem evasurum? Quod ta-  
men cuidam accidisse legimus apud *Valle-*  
*riolam. l. 4. observ. med. 9.* Sic sane ubi Na-

tura



DE CULTRIVORO PRUSSIACO. 105  
tura bene agit, & vires valentes sunt, om-  
nia contemnuntur, secundum *Galen. 10. meth. med.* ubi vero eadem infirmæ fue-  
rint, vel alia etiam causa molesta fuerit,  
facile Natura etiam circa leve vulnus suc-  
cumbit. Testatum id olim iam fecit *Hip-  
poc. l. 7. epidem. p. m. 1094.* historia pueri  
Philix, cui ex sola ossis denudatione in  
fronte nona die febris contigit, quam ossis  
livor excepit, moxque mors ipsa. Non dis-  
simile quid hic Regiomonti accidit: *Ante  
annos enim non ita multos, Iuvenis quidam  
studiosus optima indolis, à male feriato quodam  
nebulone supra frontem, in syncipitis parte, ad  
ossis denudationem vulneratus, quarta die fe-  
bris sensit accessionem, & dato Prognostico, septi-  
ma die succubuit.* Magnæ navis præfectus,  
teste Hippocr. cum anchora manus dextræ  
Indicem & os collisisset, inflammatione,  
& convulsione subsecuta, decimo tertio  
die mortuus est. Ex *Plinio l. 7. nat. hist. c. 73.*  
habemus, quod *Q. Æmil. Lepid.* in-  
cusso pollice limine cubiculi, expiravit ani-  
mam. De Ludovico Vive, viro illo cla-  
rissimo ex *Valleriol. l. 3. enarrat. medic. p. 444.*  
constat, quod ex vulnere exiguo, &  
plane despicabili accepto in vola sinistræ  
manus, vix subditam cuti carnem pene-  
trante,

M 5

trante,



trante, convulsione derepente oborta, interierit. Similia vide apud *Hildan. Cent. 1. obs. 21. & 5. obs. 2. & c. Forest. l. 6. obs. medic. 49. 50. Gemm. l. 1. Cosmocritic. c. 6. Matth. quest. med. 27. Sennert. tr. 6. Pract. p. 371. Nobili cuidam tribuno militum ante quadriennium circiter, non procul à Regio Borussorum monte, in duello ab altero itidem Nobili vulnus quoddam satis exiguum in abdomine, absque Ventriculi & intestinorum lesione, inferebatur, at is, vix semihorula elapsa, animam statim efflavit. Alter quidam aulicus Electoralis, inter rixas exiguum in suris accepit vulnus, at illico expiravit. Talia, proh dolor! quotidie fere contingunt, at in causarum explicacione plurimi hæsitare videntur. Sunt qui insperatorum horum eventuum successum, Astrorum peculiari dispositioni ascribunt, infaustumque syderum aspectum, infaustum quoque exitum, benignum vero aspectum, similem quoque subsequi effectum. Cum vero hæc causa & universalis, & satis remota sit, facile à propinquioribus impediri poterit, cum particulares in agendo prævaleant. Alii, cum *Matth. l. c.* in conditione & Natura Aëris ambientis, causam subsistere, dicunt, cum ab ejusdem frigiditate vulnera facile alterationem suscipiant,*

Hip-



*Hippocr. l. 5. aph. 20. & alibi ἔλκει τὸ μὲν  
 ψυχρὸν δυνάδες*, cui & subscribit *Gal. 5. m.  
 m. 12.* Quod in capitis Vulneribus haut  
 absolum censendum: Ea enim de causa, ut  
 vult *Paræus l. 9. Chirurg.* Lutetiis magis le-  
 thalia animadvertuntur Capitis vulnera,  
 quam apud Aveniones; & contra apud hos  
 tiliarum vulnera leviora, quam apud illos.  
 Lutetiis enim aër frigidus est, & humidus;  
 apud Aveniones vero ejusdem fervor in-  
 tensior, unde humores liquefacti magis  
 deorsum fluunt. Nec dissimili de causa  
 vulnera capitis Bononiæ lethalia censentur,  
 quæ tamen Romæ facillime curantur, &  
 contra Tibiarum vulnuscule vix Romæ cu-  
 rantur, quæ tamen Bononiæ facilem ad-  
 mittunt consolidationem, attestante *Bald.  
 Rons. d. Scorb. c. 1. Vide & Cl. Senn. tr. 6.  
 Pract. p. 373. Amat. Lus. Cent. 6. cur. 100.*  
 Tertio, sunt nonnulli, qui ad Naturam ip-  
 sam oculum dirigendum esse existimant:  
 si enim illius constitutio laudabilis, balsa-  
 mum naturale in vigore, adhæc omnia  
 haut male se habent, incurabilia etiam vul-  
 nera non raro felicem adipisci exitum, di-  
 cunt. Si vero contrariam Natura obtinet  
 faciem, sanguis Cacochymia oppletus, &  
 ipsa Natura quasi dehiscere videtur, ibi  
 fane



sane vel leve, & superficiale vulnus, lethale reddi. In hisce subitaneis casibus maxime ad Animi pathemata respiciendum dixerim. Multum potest Aër, at successive, nec enim momentaneam inferet alterationem; nec minus ipsius Naturæ vitium successivam inducere poterit, cum syndrome symptomatum perniciem, at subitaneam, post levem ictum, aut exiguum vulnus, mortem illa vix inferre poterunt. Tres autem esse animi affectus, ferale hoc causantes, omnino existimo, Iram scilicet vehementem, Metum insignem, ut & Terrorem repentinum. Triga hæc, qua ratione hominem alias bene valentem alterare possit, ex libris Medicorum sat constat, & docet id quotidiana experientia. *Hildan. Cent. 1. obs. 18.* non male censet IRAM omnium perturbationum animi atrocissimam, & infinitorum malorum foecundissimam esse matrem, quod, ut habet Galen. humores nimium exagitando, calorem innatum labefactando, nervos convellendo, fluctusque graves in corporibus exagitando, hominis naturam non tantum in atrocissimam quasi feram commutet, sed & eandem præsentissimo periculo exponat. Vult quidem *Gal. l. 2. de Symptom. caus. c. 5.* quod  
 nemo



nemo ex Ira mori possit : at exempla non tantum apud *Hildan. l. c.* allegata, sed & alia contrarium evincunt, inprimis si Ira nimia percito, vulnus aliquod, etiamsi exiguum id ipsum, sit inflictum, non quod, ut vulgus fingit, *er hat im dat Ort des lebens getroffen*, quasi vita in corpore hinc inde obambulet, & si pars illa, ubi tum vita residet, vulnere tangatur, homo statim simul eandem amittat, sed potius, quod agitatis ab Ira humoribus & spiritibus, calidoque nimium debilitato, imo ab humorum affluxu non raro extincto, Vita periclitetur : sic enim notarunt Medici, impotenti ira impetuosius concitados, Apoplexiam incidisse, repenteque animam expirasse, quorum plurima exempla, quæ intra paucorum annorum spatium hic Regiomonti acciderunt, enumerare possem, sed alii hæc reservare placet discursui. Inprimis vero ii exinde incommodum aliquod persentiunt, qui temperaturam corporis totius calidiorem, aut Natura, aut morbo consecuti sunt, tum enim facilius periclitari calidum poterit innatum. Quid & Terror repentinus possit, non ignotum est. Nam hic subitanam inducit Canitiem, ut pluribus videre est apud *Marcell. Donat. l.*



110 DE CULTRIVORO PRUSSIACO.

1. de *Med. histor. mir.* 2. p. 14. Nicol. Florent. Sueton. in *vita Galbæ. Hadrian. Jun. comm. de Coma.* c. 10. Petr. Messin. *Hisp. in sylv. variar. lectio.* Scaliger. *exerc.* 313. Lemn. l. 2. de *complex.* 1. Schenck. & alios, quippe calor & spiritus ad vitæ fontem regrediuntur, & extrema destituunt, unde frigus illis inducitur partibus, ut non tantum omnis honor faciei depopuletur, sed & juvenes ad Canitiem, imo Vulnerati ad subitaneum, & interdum momentaneum interitum redigantur. Denique & Metus animo conceptus, confestim Cor exagitat, mentem obnubilat, animales facultates perturbat, ac demum adeo omnes nostras vitiat & inficit actiones, ut illius malignitate vis Imaginaria de suo statu deturbetur, Cerebrum debilitetur, & æger non modo mirum in modum discrucietur, ut vult *Quercet. s. 1. Diet. polyhist. c. 9.* sed & calor ipse vitalis quasi suffocetur. Quare si vel Ira quis excandescens, aut terrore subitaneo, metuque nimio perculsus, vulnus aliquod, utut exiguum, susceperit, ad hos affectus, non sine causa, ratio subitanæ mortis referri poterit.

Posi-



POSITIO X. & ULTIMA.

ET TURUNDARUM, & DELIGATIONIS, *bis in die instituta, usus, ut in hoc casu fuit, ita & in aliis est maxime necessarius.*

**A** Urea est Divi Hippocratis nostri regula, dum inquit: *A Veterum doctrina recedere, & nova præter rationem comminisci, cum per se temerarium est, tum in faciendo periculosum.* Utut enim & posteriori ætati ad invenienda & amplificanda nonnulla relictæ sint, si tamen non tam veritatis & utilitatis, quam novitatis & propriæ gloriolæ gratia antiqua mutantur, & nova præter rationem inducantur, excusationem vix mereri poterit. Veteres Medici, qui inprimis Chirurgiæ operas suas locarunt, eandem summo studio excoluerunt, & nil, quod ad perfectionem ejus facere posset, intermiserunt, ab eorum tamen placitis præter ullam rationem recedere, nonnullis Neotericorum haut piaculum est. Relictis aliis, duo saltem præsens nostri ægroti Casus nobis proponit; alterum turundarum usum, alterum deligationem, bis in die institutam, concernit; utrumque  
haut



112 DE CULTRIVORO PRUSSIACO.

haut necessarium, imo supervacaneum esse, inutilique hoc labore supersedendum censent. Nam Cæsar Magatus, & cum eo Septalius, quos & sequuntur, non raro satis infelicitè; Chirurghi nonnulli, nec turundis in Vulneribus opus esse, nec deligationem reiterandam de die censent. Turundas enim Naturæ molestiam creare, partem affectam distendendo, comprimendo, doloresque excitando: deinde easdem nil conferre, cum medicamentorum vim absque turundis, ad partem læsam debite deferri posse putent. Verum, utut largiendum, turundas Vulneribus superficialibus, rectis, & exiguum puris generantibus, haut opus esse; ad hæc & consolidationem, quantum fieri potest, maturandam, nec studio retardandam, ut quidem non minus inscite, quam impie suavit Fioravanta, & ea de causa iam olim Thessalus à *Galen. 4. m. meth.* reprehensus fuerit: Alii tamen dantur casus, qui earundem usum necessario efflagitant, quia turundarum opera vulneris orificium servatur apertum, ut puri exitus pateat, deinde earundem beneficio, vires medicamenti ad omnes & singulas vulneris partes pervenire possunt, imprimis ut à fundo primitus



DE CULTRIVORO PRUSSIACO. 113  
mitus consolidatio & unio fiat, ne superiore parte vulneris clausa, in profundiore puri exitus denegetur, quod neglectis turundis sæpissime accidisse, notavi. Exemplum autem proferre odiosum esset, cum nonnullis bilem facile movere possent. Breviter cum *Tagaultio l. 2. Chirurg. cap. 207.* in octo præsertim casibus, turundas haut esse negligendas, sed usurpandas, existimo. 1. Cum vulnera vel amplianda sunt, vel detergenda, vel cum aliquid ab eorum fundo vacuandum est. 2. In cavis vulneribus, in quibus necessaria est deperditæ carnis generatio. 3. In vulneribus alteratis ab aëre, & sordidis, quæ detersione egent. 4. In vulneribus contusis. 5. In vulneribus, quæ cum phlegmone, aut quovis alio tumore præter naturam fatigant. 6. In iis quæ per morsus fiunt: morsus enim fere omnis, ut censet Celsus l. 5. quoddam virus habet, quod foras semper evacuandum est. 7. In quibus circa ossa manus admovenda est. 8. Quæ iam vetustate in ulcera, defluxionibus scaturientia, degenerarunt. Hos si non bene perpenderit chirurgus casus, & neglectis turundis emplastro suo nimium fidere & attribuere voluerit, caveat ne similes

H miles



114 DE CULTRIVORO PRUSSIACO.  
miles experiatur successus funestos, quales  
*Hildan. Cent. 4. obs. 76.* commemorat. le-  
ge *Aquapend. part. 2. Chirurg. l. 2. c. 8. Pec-*  
*cet. l. 2. Chirurg. c. 14. Senn. l. 5. Pract. 4.*  
*c. 9.*

Deinde nec deligationem ita necessa-  
riam existimant, ut singulis diebus semel,  
vel etiam bis eadem instituatur, sed suffi-  
cere, ut sexta vel septima primum die vul-  
nus detegatur & abstergatur, novisque  
adhibitis remediis obligetur: frequentio-  
re enim deligatione vulnus aëre ambiente  
alterari, temperamentum partis destrui,  
hincque maiorem excrementorum co-  
piam generari, conglutinationem impe-  
diri, inflammationemque, dolorem, & si-  
milia facile subsequi: At è contra, si ra-  
rius & tardius deligatio in usum traha-  
tur, temperamentum læsæ partis in debi-  
to statu permanere, exiguum excremento-  
rum materiam generari, calorem nativum  
in suo vigore conservari, symptomata-  
que omnia præcaveri, & sanationem Vul-  
neris citius & felicius absolvi posse. Na-  
tura enim partis, adiuta Balsamo externo,  
ipsa sua sponte ad consolidationem pro-  
perat, & symptomata pertimescenda a-  
vertit. Verum enim vero, ut in superficialibus,  
libus,



DE CULTRIVORO PRUSSIACO. 115  
libus, & minime profundis vulneribus hæc  
locum habere possunt, monente *Tagault.*  
*l. 2. Chirurg. p. 207.* & in quartum usque  
diem deligatio protrahenda, nisi forte do-  
lor aliquis vehemens supervenerit, aut  
aliud symptoma molestum acciderit. In  
profundioribus tamen absolum esse ex-  
istimo, deligationem ita protrahere,  
& præter rationem à veterum monitis  
& placitis secedere. Nam aërem in-  
temperatum, imprimis vero frigidum  
& humidum, vulneribus inimicum, non  
est quod pertimescamus, cum is vel vi-  
tari, vel etiam arte ita corrigi possit, ut  
nil inde damni expectari possit, si vel  
ignis, vel alterius adminiculo ad tempe-  
riem idoneam disponatur. Quo facto, ca-  
lor partium affectarum nativus (in quo  
cardinẽ totius curationis versari libenter  
fateor) in debito conservatur statu, tempe-  
ramenti partis nulla subsequitur alteratio,  
nec uberior erit excrementorum proven-  
tus, quã pro natura vulneris. Hæc autem,  
cum teste *Galen. 3. m. m. 4.* duplicia sint, te-  
nuia & crassa, illaque non semper ita di-  
sposita, ut per halitum digeri, & in auras  
abire possint; hæc vero in vulneribus per-  
maneant, & non nisi manu Medici amo-

H 2

veri



veri & abstergi possint, quid quæso magis necessarium erit quam Naturam illo onere quotidie liberare; cum excrementis & superfluitatibus hisce permanentibus varia & gravia suboriri possint symptomata? Sed & aliis de causis necessaria erit, in profundis inprimis vulneribus, quotidiana deligatio. 1. quidem ut statum ipsius vulneris & partis chirurgus probe perspiciat, eundemque cognoscat, cum non raro eam vulnera consequantur ex improvviso dispositionem, ut vel ipsorum caro luxuriat, vel vermes in iisdem generentur, vel aliud quid eveniat. 2. Ut pro conditione & statu partis vulnerisque remedia quoque adornet; alia enim sicca, alia humida eorundem constitutio efflagitat medicamenta: nec enim per totum curationis tempus unicum sufficere poterit remedium. 3. Mundities quoque, quam Hippocrates attendendam præcipit, quotidiana illa deligatione procurari potest, ne sordes fasciarum & lintaminum ægroto molestiam creent. 4. Quia sic evacuato quotidie pure, vel sola natura ad sui consolidationem prope- rat: ut enim hanc interdum sola feliciter absolvit, ita illud non itidem evacuare valet.



DE CULTRIVORO PRUSSIACO. 117

let. Experientia denique confirmat deligatione sæpius, si opus fuit, instituta, facilius & felicius filum curationis absolutum esse. Quod & historia Cultrivori nostri Rustici attestari potest: nec enim tantum turundarum usus ut necessarius, ita & maxime utilis fuit, sed & deligatio bis in die repetita, maximo cum emolumento, felicique successu instituta, vulnerisque consolidatio ex voto sic expedita fuit.

Cum vero huic universo operi Clementissimus Iehova, Cælestis Archiater, paterna sua gratia præfuerit, devotæ ipsi merito decantandæ gratiæ, & ut in posterum quoque gratiosa sua præsentia adesse, nostrisque actionibus præesse dignetur, unice implorandus. Sit nomen ipsius benedictum in seculorum secula.

Amen.

H 3

Aucta-



*Auctarium historiale de Ventriculi vulneribus mirabiliter sanatis.*

# DIOMEDES CORNARIUS

Archiater Serenissimi Principis

MAXIMILIANI ARCHIDVCIS

*Austriæ, fratris RUDOLPHI II. Imperatoris, in historiis medicis admirandis & raris editis Lipsiæ anno 1599.*

## HISTORIA IX.

**A**Nno Christi 1546. in Bohemia rusticus quidam in venatione lato venabulo vulneratus fuit in ventriculo, sub stomacho siue eius orificio superiore. Erat vulnus amplum quod nulla artis opera consolidari potuit; sed sensim vulneris labia callum contraxerunt. Vulneris hiatus obturabat, instrumento ad hoc accommodato, pannisque lineis, ita ut cum vellet ventriculum per eum hiatus repurgaret, cibosque & potum ingurgitatum emitteret. Huius rei testis abundantissimus esse potest vel sola Cæsarea Maiestas quæ hoc vulnus inspexit, ut ipsum commemorantem audivit eius archiater Matthias Cornax.



**IULIUS ALEXANDRINUS** *archia-  
ter Imperatoris RUDOLPHI II. in  
Annotationibus ad cap. 4. lib. 6. Methodi  
medendi Galeni eandem historiam paulò co-  
piosius describit.*

**B**Ohemus vir quidam fuit ex oppido  
Puggebrott, cui cum vulnus in ventri-  
culo inflictum esset, cæpit ex ipso cibum  
reiicere quoties vulnus reficiebatur. Ad-  
stabant attoniti medentes, desperatum ca-  
sum iudicantes: ideoque neglectim mise-  
rum tractabant, nec secundum artem cu-  
rabant cum valde essent imperiti. Ita tan-  
dem labia vulneris occalluere, semper ex  
eo exeunte cibi quem assumebat parte,  
modò prorsus impura, modò nescio quid  
chylosi referente. Sic in hac miseria re-  
lictus, & vulnus linteaminibus tantum  
tegens, fasciisque circumligans, per ali-  
quot annos supervixit. Huic si cum vulnus  
recens erat omnia ex lege artis administra-  
ta fuissent, existimo vulnus uniri & agglu-  
tinari potuisse, quoniam postea diu supe-  
ruixit à medicis neglectus & desertus, nã  
erat in crassiore & magis carnosâ ventri-  
culi parte, non in tenui, qualis est in sto-  
macho, sive superiore ventriculi orificio,  
constitutio.

H 4

I A-



IACOBUS OETHÆUS *in observationibus medicis similem historiam commemorat.*

**I**N ditione Fuldana duos industrios chirurgos Davidem & Ioannem Schenkellios familiares habui, qui mihi constanter asseruere quod curaverint robustissimum militem, cui dextrum hypochondrium venabulo transverberatum erat à rustico in pago Marpach ditionis Fuldanae; & cum vulnus accuratius explorarent deprehendebant ventriculi latus dextrum esse perforatum, quippe digito immisso vulnus in ventriculum penetrare sentiebant: simulque potus ac forbiles cibi ingesti ibi prorumpabant. Quamobrem agroto eiusque necessariis periculi magnitudinem denunciantes, curationem aggressi sunt, protrahentes ventriculi partem vulneratam ad vulnus musculorum abdominis, ibique una futura colligavere ventriculi hiatum & vulnus illud musculorum abdominis. Ægrotus animo forti & constante perferebat eam dolorificam curationem. Tandem cum pedetentim vulnus consolidatum esset, pristinam sanitatē ægrotus recuperavit, ac firmus vegetus.



getusque superuixit. Cum ego ex rusticis eius pagi, qui curationi saepe interfuerant, rei veritatem exquirerem, omnes rem ita actitatum fuisse testabantur.

FALLOPIUS *eminentissimus medicus & chirurgus Italus lib. de Vulneribus Capitis cap. 12.*

**D**E ventriculi vulneribus hæc observavi. Sanavi virum & mulierem, à quibus per vulnus exibat chylus & cibus: curavi & mulierem antè & postè plumbea glande transverberatam. Sed cum est in ventriculi orificio vulnus insignè tunc succedit mors ob partis præstantiam, ac connexionem quam habet cum corde, & omni genere nervoso. Sed in carnosa ventriculi parte sanatur exhibitis per os glutinantibus.

GALENUS *in commentario ab lib. VI.*

*Aphorif. XVIII.*

**A**unt quosdam qui in ventriculo vulnerati erant fuisse persavatos aliquando, sed rarò.

H. C. V. E.



C. VEGA, *in commentario ad eundem Aphoris.*

**C**Hirurgus quidam fide dignus iurabat se curasse hominem qui per vulnus ventriculi chylum emittebat.

IO. IESSENI A IESSEN *historia rustici Bohemi qui cultrum deglutiverat.*

**A**Nno 1602. mense Maio convenit me Pragæ rusticus mediocris staturæ, in ætatis vigore constitutus, cum chirurgo Floriano, commemorans quod ante dies aliquot cum in taberna vinaria cultrum iocabundus ori infereret, & in fauces demergeret, is ex inopinatò decidisset, ac in ventriculum penetrasset; efflagitans ut ad eam miseriam ipsi consilium suppeditarem. Corpus deundans, locum vidimus protuberantem, quem cum accuratius attrectaremus deprehendimus cultri mucronem obtusiolem aliquantulum supra ventriculi fundum levorsum se protendere, manubrium autem spinam versus esse conversum. Cum igitur periculi magnitudinem indicarem, nec cultrum eadem via regredi qua ingressus erat, nec etiam per intestinorum amfractus  
ad



ad exitum progredi posse; ægrotus attonitus miseriam suam considerans multis precibus exostulabat ut sectione protinus eum ab inevitabili morte liberarem. Sed cum demonstrarem quàm id periculosum futurum esset ob symptomatum violentiam quæ parti nobili à tali operatione supervenire possent, & suaderem ut naturæ rem committeret, consilio meo acquievit: nam narrabam quod Parisiis meo tempore similiter à circumforaneo fycophanta culter deglutitus, post nonum mensem ex inguine egressus esset. Ita miserum dimisi, seriò admonens ut corpus in quiete contineret, nec se cibo potuve infarciret, ne culter locum mutaret. Chirurgus autem demandavi ut suppurantia loco affecto applicaret. Paulò post culter foras progredi annixus fuit, eumque conatum iuvit chirurgus applicato emplastro magnetico; tandemq; foras prorupit: eum Cæsarea Maiestas inter pretiosissima cimelia sua reponi & ad miraculi fidem asservari iussit. Scriptum Pragæ die Io. Baptistæ anno 1607.

*Epistola*



*Epistola eminentissimi*

**D. DANIELIS BECKERI**

*Medicinae Doctoris & Professoris in Academia Prussiae Regiomontana, ac Poloniae regis VLADISLAI IV. archiatri, ad*

**D. OTHONEM HEURNIUM** Professorem Medicinæ in Academia Potentissimorum Ordinum Hollandiæ quæ est in urbe Leydensi,

*De*

**DIUTURNO INTESTINI ILEI**  
*& Ventriculi apostemate foras  
chylum effundente.*

**A**mplissime & excellentissime D. Doctor domine & fautor honorande, literas excel. vestrae mense Augusto ad me datas, quibus à te prælo ibi denuè publicata Cultrivori mei exemplaria adiuncta erant, serius sub finem Octobris recepi, gratissime tamen fuerunt cum constantem excel. vestrae erga me amorem & benevolentiam docerent, nec aliam mihi esset mentem, sed excel. vestre studiosissimam sibi persuasum habeat. Petit in iis cul-  
trum



trum à rustico nostro deglutitum ut Anatomia Theatro Leidenſi conſecretur. Verum-enimverò Sereniſſimus rex Poloniae & Sueciae Dom. noſter clementiſſimus, eundem tandem obtinuit, ea quidem lege ut remitteret; ſed ad me non eſt relatus; tam charum ipſi κειμήλιον eſt ut inſtar pretioſiſſimi theſauri eum adſervet. Miſi etiam Sereniſſimae Regiae Maieſtati iconem praedicti ruſtici, qui in hunc uſque diem optime vivit; & quidem proprio ſuo teſtimonio meliore ſanitate quàm unquam antea. Quamobrem me excuſatum habeas quod Cultrum illum non mittam. Ut tamen aliqua ratione deſiderio excel. v. ſatiſfaciam mittam prima occaſione effigiem veram & genuinam ruſtici noſtri Cultrivori, cum cultri vera delineatione. In praſentiarum verò conſecro veſtro theatro Anatamico eximiam portionem ſuccini Pruſſiaci, raræ magnitudinis; varia quidem inde tornari potuiſſent, malui tamen maſſam hanc non elaboratam tranſmittere. Addo & quatuor fruſtula ſuccini cui incluſa ſunt animalcula aliaque, admirando planè naturæ artificio. Exigua hæc qualiacunque ſunt tamen in theatro veſtro mereantur locum,



locum, & animus dantis potius quàm munus ipsum spectetur. Commodiore forte tempore meliora offerentur.

Cæterum historiam medicam magis quàm Cultrivori admirandam proferam. Hoc anno hic matrona quædam quinquaginta annorum laboravit apostemate quodam inferius ad umbilicum: quod tandem ob multas causas desijt in ulcus fistulosum, ad quod humores ex toto corporu confluebant. Statim autem in principio conquesta quoque fuerat de dolore in sinistro hypochondrio, ubi etiam tumor se ostentabat, qui tandem sponte ruptus & reſeratus fuit, materia purulenta per viam sinuosam usque ad fistulæ, umbilico vicinæ, foramen proſerpente, ibique egrediente. Mox fuit subsequuta chyloſa materia alimenti assumpti: eratque hoc certum indicium intestinum quod ibi residet eſſe exesum. Per dies decem quicquid esculentæ potulentæque materiæ ingerebat, post binas trinasue horas ibi chyli idea exhibat, magno patientis & adstantium terrore. Ego præmissis præmittendis præscripsi ei ex herbis vulnerariis potiorionem; suasque ut ter de die aliquid ex  
hoc



hoc balsamo assumeret, & balsami mastichini simplicis ʒ. iij. summitatum hyperici M. j. ebulliant parum, & exprimantur. Mirum dictu; decem diebus in ea medela transactis, perfecta consequuta est consolidatio ulceris interni in intestino; ita ut postea nihil chylosæ materiæ per ulcus fistulosum sub umbilico situm exiret. Hinc apertè colligere possumus Dei & naturæ, quæ eius est manus, in curandis morbis ineffabilem potentiam. Nam ad occultum hoc in corpore delitescens ulcus quo modo manus chirurgi devenire poterat, materiamque ibi collectam detergere, & ulcus mundare? Verum tertio à facta consolidatione mense maius exoritur in misero hoc corpore malum; nam cum contra mandatum medici chirurgus consolidationi sinuosi ulceris, sub umbilico siti, studeret, ecce statim colligitur materia circa hypochondrium sinistrum novum ibi apostema constituens; cuius apertionem cum negligeret, imò reformidaret ægrota, natura sponte ibi id facit, forasque materiam eructat per hiantia ulceris labra. Post dies paucos subsequitur viscosa phlegmatica materia, qualis ventriculo humano semper



per inhæret. Tandem quodcunque per os assumit, per ulcus illud effluit. Attestabantur signa omnia tum materiæ, tum loci affecti, illud apostema in fundo ventriculi delitescere, idque apertum ventriculo perroso exitum præbuisse materiæ deglutitæ. Miseram hanc Prognostico relinquere, & omni auxilio destituere non potui, quoniam ipsi vires adhuc aliquantulum constabant. Præscripsi igitur ut uteretur cum decocto consolidante pulvere ex bolo, mastiche, radice nymphææ, magisterio oculorum canceri, & similibus confecto: & ut quoque usurparet hoc balsanum, ℞. balsami mastichini ℥. iij. olei hyperici ritè preparati ℥. j. β. Misc. Per dies quinque vix eius usum continuaverat cum mirabiliter persanatur ventriculi apostema; ita ut postea per bimestre spatium nil ex assumptis per ulcus prodiret. Tribus autem mensibus elapsis cum ægra fastidiret medicamenta quæ ad præsertionem præscripta erant, & rursus chirurgus incautus moliretur consolidationem ulceris fistulosi ad umbilicum siti (quod primò enatum fuerat) ibi in loco vicino ei ulceri materia in apostema collecta fuit. Hoc cum post longum tempus aper-



apertum esset, simul cum pravo humore per eum hiatum effluebant omnia quæ per os assumebat. Sed animadvertēbam tunc naturam non posse amplius ulla medicamenta curationemque perferre, quoniam omnia corroborantia & restaurantia quæ exhibebantur, statim per ulcus illud effluebant. Ac ita omnibus viribus expoliata, morbo, senio, & alimenti defraudatione, tandem præterito mense, Octobri, sine ulla molestia, aut mortis formidine animam exhalavit. Libenter cadaver aperuissem ut oculata fide de tanti & abditī morbi constitutione liquidè testari possem, sed quoniam ipsa petierat ne post obitum alienis oculis exponeretur, & ad causam morbi lethalis investigandam secaretur, agnati quoque id observare voluerunt, nec permiserunt in cadavere mortis causam perscrutari. Sed sisto calamum ne excel. v. nauseam & molestiam cræm. Vale & me amare perge. Regiomonti 24. Novembris anno 1638. excel. & Amplitudinis vestræ studiosissimus DANIEL BECKERUS, Medicus & Professor Regiomontanus.

I N D E X



# I N D E X

## Memorabilium , & mirabilium.

### A.

**A**cus deglutita post annum decimum prodiit  
per apostema ventriculi. 45

*Aloës vires.* 57

*Anastomosis venæ Canæ & Arteriæ venosæ : &  
Canalis Arteriæ Aortæ ad venam Arterio-  
sam.* 99

*Apostemata sepæ res mirandas continere.* 28

*Apoplectici, & ab utero suffocatæ mulieres quādo  
sine periculo sepeliantur.* 96. 97. 98

*Argentum vivum quomodo è corpore auro extra-  
batur.* 49

*Aurum assumptum quam utilitatem prestet.* 46

### B.

**B**alsamum, Hispanorum artificiale, in vul-  
neribus persanandis efficacissimum 38.  
aliud ad eius similitudinem factum in hac  
curatione usurpatum. 40

### C.

**C**apitis dolorem avertit succinum plantis pe-  
dum applicatum. 48

*Capiti inter cranium & crassam meningem im-  
pacta per multos annos gestata.* 52

*Caprillo lacte nutriti infantes fiunt stupidi.* 54

*Capitis vulnera quibus in urbibus salutaria, aut  
lethalia.* 107

*Cere.*



# I N D E X.

*Cerebri vulnera sanata.* 104

*Cibo & potu destituti qui diu vixerint.* 82

*Corpori varia infixata diu gestata, & quædam tandem nature robore excreta § 1. quænam ea extrahant.* 70

*Cranii vulnera parua interdum lethalia.* 105

*Crystallus appensa collo valet contra vertiginē.* 48

*Culter hic quàm miraculosè in ventriculum descenderit 26. & alius similiter, qui per inguinis apostema exiuit.* 27

*Culter quomodo fuerit facta sectione ex ventriculo extractus 78. & postea ventriculus consolidatus.* 89

*Culter hic quomodo facta corporis ventriculique præparatione excindi deberet, consilium Professorum Regiomontanorum.* 35

*Culter à rustico Bohemo deglutitus prodit sponte per latus.* 123. 124

## D.

**D**eglutita res maiores magno periculo 21.  
22. & interdum lethaliter. 23

*Devorata metalla, coria, testæ, vitra ob hominibus, alterata & cocta excreta.* 49. 50

## E.

**E**mplastra magnetica ferrum ex vulneribus protrahentia. 72. 74



I N D E X

**F**errum & aurum concoquere Struthiones,  
gallos gallinaceos & gallinas. 41. 42

**G**ladii pars semipedem longa deglutita.  
27.

**H**elleborus à capro devoratus inficit eius lac  
purgandi facultate. 55

Hæmorrhagiam compescit Iaspis. 148

Hernia ut magnete curetur. 76

Hydrargyrum quomodo è corpore auro extraba-  
tur. 49

Hydropicorum vasa hepatis spontè reſereta aquam  
effundentia. 99

**I**aspis manu detentus quā efficaciter hæmor-  
rhagiam compescat. 47

Ilei intestini ulcus sanatum. 128

Infixa corpori diu gestata, & quedam tandem à  
natura expulsa s. i. quænam ea extrahant. 70

Ira, aut metu conturbati qui à morbus longis  
conualuerint. 98

Ira ut morbos aut procreet, aut aggravet. 108.  
109.

**M**agnes ut ferrum trahat 60. An pulveri-  
satus vim trahendi amittat 65. magne-  
ticum



# I N D E X.

- ticum emplastrum 72. *variae eius formulae*  
*quae ferrum ex vulneribus protrahunt* 74. *ma-*  
*gnes ut curet herniam.* 76  
*Melancholicorum mirabilia phantasmata.* 33  
*Medicamentorum lenium ad sanitatis conser-*  
*vationem frequens usus an utilis* 57. *Quan-*  
*do medicamenta in morbis mutanda.* 58  
*Metalla devorata per album excreta.* 44. 45  
*Metus, terrorque ingens, ut morbos concitent.*  
 109. 110.  
*Miraculosae historiae eorum qui vixerunt sine*  
*Cerebro, Pulmonibus, Hepate, Vtero, Corde.*  
 82. 83. *sed sine Ventriculo nemo.* 83  
*Morbificorum humorum miraculosae in alias*  
*partes translationes, & interdum evacuatio-*  
*nes.* 102

## O.

- O**culos à catarrhis liberat succinum nuchae  
*applicatum.* 48  
 Oculos à variolis praeservat Sapphyrus. 48  
 Oesophagi etymologia, structura, ac officium.  
 24. situs 26.

## P.

- P**harmaca quando in curatione mutanda.  
 58.  
 Potiones & decocta ad vulnera ventriculi. 89.  
 90. 92.  
 Pulmo laesus miraculose sanatus. 99



# I N D E X.

## R.

**R**es maiores magno periculo deglutitæ. 21.  
22.

Rhabbarbari vires. 56

## S.

**S**anguinis profluvium sistit Iaspis. 48

Stomachus, vide ventriculus.

Struthiones an ferrum & aurum concoquant. 41

## T.

**T**error, metusque ingens, ut morbos concitent. 109. 110

Tibiarum ulcera ubi difficulter, aut facile curentur. 107

## V.

**V**ariolas ad manus à capite advertunt succini armille. 48

Ventriculum humanum sæpe non posse concoquere vegetabilium & animalium partes crassiores & duriores. 43. 44

Vomitu miraculosa reiecta 29. 33. 32. aut in ventriculo retenta quæ mortem intulerunt, Ibidem.

Vteri vulnera sanata. 87

Vertiginem corrigit crystallus. 48

Venena quotidiano usu tandem familiaria & innoxia fuisse. 55

Ventriculus quomodo fuerit incisus, & culter extractus 78. ac postea facta consolidatio. 89. Ven-



# INDEX

- Ventriculi dignitas & necessitas* 84. eius vulne-  
ra cur lethalia 85. quæ tamen aliquando sa-  
nantur Ibidem, & cur 87. Quare in superiori  
orificio magis lethalia 88. Decocta vulnera-  
ria hic utilia. 89. 90. 92
- Ventriculi rustici huius vulnus cur citò & benè  
fuerit consolidatum.* 101
- Ventriculi vulnere aperto permanente rusticus  
Bohemus per multos annos supervixit.* 119.  
120.
- Ventriculi vulnus persanatum in rustico Fuldano*  
121. & aliis 122. 123.
- Ventriculi vulnera à Fallopio curata* 122. & in  
qua ventriculi parte sint curabilia, in qua  
insanabilia, Ibidem.
- Ventriculo inhaerens culter à rustico Bohemo de-  
glutitus spontè per latus prodit* 123. 124. &  
in alio post mensem nonum exit per inguen  
Parisiis, Ibidem.
- Ventriculi apostema foras chylum effundens su-  
perstite ægrota per multos menses.* 125
- Vterina suffocatione mulieres extinctæ quando  
sine periculo sepeliantur* 96. ad 99.
- Vulnerarium balsamum.* 38. 40
- Vulnerum prognosis.* 81
- Vulneraria ad ventriculum potiones.* 89. 90.  
92.
- Vulnus pulmonis sanatum.* 99  
Pul-



# I N D E X.

*Vulnus ventriculo huius rustici novacula impressum, cur bene & citò consolidatum fuerit.*

101.

*Vulnera cerebri sanata 104. cranii parva interdum lethalia.*

105

*Vulnere superficiali volæ manus sinistræ perit L. Vives.*

105

*Vulnera parva neglecta interdum inopinatum mortem inferre. 105. 106. 107.*

*Vulnera quando necessario turundis tractanda, & quando non. 112. 114. quando neglecta mortem inferant.*

114

*Vulnera quando bis in die reficienda, & quando ad dies aliquot id differendum.*

115

# F I N I S.



la impref-  
am fuerit.

da inter-

105

bre puit

105

pinatum

linda, co

neglella

-114

quando

115



